

ଗାଲାତୀୟମାନଙ୍କ ନିକଟକୁ ପାଉଲଙ୍କ ପତ୍ର **ଗାଲାତିୟଙ୍କଠାରେ ତାଗ୍ରା ପାଉଲ୍‌ଙ୍କ** **ଉଲିଆଃ** **ଗାଲାତିୟ ବଇ ବିସୟରେ ଉଠଡ଼ିକ୍ଲିଗ୍** **ସାମୁଆଁ**

ଗାଲାତିୟ ଉଲିଆଃ ବେକ୍ସେ ପାଉଲ୍‌ଙ୍କେବାନ୍ ଗୁଆର୍ ତିଂଲେଃକେ ୧:୧ଆକେନ୍ ଉଲିଆଃନେ ଗାଲାତିୟ ମଣ୍ଡଲିନେ ବିସ୍‌ବାସିକ୍‌କେ ଜିସୁ କିସ୍‌ଟନେ ଜନମ୍‌ନେ ୪୮-୫୭ କିସ୍‌ଟାବ୍‌ଦ ବିତ୍ରେ ଗୁଆର୍ ତିଂଲେଃକେ । ତିଂଲେଃକେ ଗାଲାତିୟଙ୍କଂ ରୋମୀୟ ଦେସ୍‌ନେ ଗାଲାତିୟନ୍ନିଆ ବାସାତିଂକେ । ପାଉଲ୍ ଆକେନ୍ ଉଲିଆଃ ଗୁଆର୍‌ନେ ବେଲା ଆଣ୍ଡି ଲେଃକେ ଆକେନ୍ ପଣ୍ଡିତ୍‌କ୍ ମ୍ୟାଃଆଲେଃଆର୍‌ନେ ମାତର୍ ଏଫିସ କି କରନ୍ତି ଆକେନ୍ ମ୍ୟାକ୍‌କିଗ୍ ଟାନ୍ ତିଂଲେଃକେ ତାଗ୍ରାଟେ ବାସାତିଂଆର୍‌କେ ।

ପାଉଲ୍ ଗାଲାତିୟ ମଣ୍ଡଲିନେ ମ୍ୟାୟା ଜିଉଦି ଆରି ଅଣଜିଉଦି କିସ୍‌ଟିୟାନ୍‌କ୍‌ନେ ଟିକନା ବିଃଟେ ଉଲିଆଃ ଗୁଆର୍‌ତିଂକେ । ବିନ୍‌ବାବ୍‌ରେ ବଣ୍ଡ ବାବବାଦିକେ ବାଃଲିର୍‌ବାତା ତିଂନେ ନ୍ୟା ଗୁଆର୍‌ବରେ ଆତେନ୍ କିସ୍‌ଟିୟାନ୍‌କ୍‌କେ ବାଞ୍ଜିର୍ ନିୟମ୍‌ନେ ଜିଉଦି ନିୟମ୍‌କେ ମାନେଃ ନ୍ୟା ବାସାତିଂକେ ବିନ୍‌ବାବ୍‌ରେ ପବିତ୍ର ନିୟମ୍ ବିସୟରେ । କିସ୍‌ଟିୟାନ୍‌କ୍‌ନେ ବିତ୍ରେବାନ୍ ଉଠଡ଼ିକ୍ଲିଗ୍ ଦଲ୍ ଲେଃକେ ଆଜାଣ୍ଡେକ୍ କ୍ରୁତାଇଜିମ୍ ବାସାତିଂଆର୍‌ତିଂକେ । ମେଇ ଅଣଜିଉଦି କିସ୍‌ଟିୟାନ୍‌କ୍‌କେ ପବିତ୍ର ନିୟମ୍ ମାନେଃନ୍‌ସା ବାସାତିଂଆର୍‌ତିଂକେ । ମେଇ ଶ୍ରିଗ୍ ପାଉଲ୍ ବେବକ୍ସେ ଅଦିକାର୍ ବିସୟରେ ପ୍ରସ୍ନ ତିଂବରେ । ପାଉଲ୍ ଉଠଡ଼ିକ୍ଲିଗ୍ ଉଠସ୍ତା ଏତେ ମେଁ ବେବକ୍ସେ ସାମୁଆଁ ବାସାତିଂକେ ମେଇକେ ବିରଦ୍ ତିଂତିଂକେ ୧:୧୧-୨:୧୪ ବାରି ଜିସୁ କିସ୍‌ଟକେ ବିସ୍‌ବାସ୍ ତିଂନେ ବାନ୍ ଉଦାର୍ ନେବାଏ ଆକେନ୍ ଆଃବୁଜେଟେ ନିମାଣ୍ଡା ସାମୁଆଁକେ ଆମ୍ବ୍ ତିଂକେ ୨:୧୭ ।

ମେଝନେ ଇସ୍ପର୍ସନେ ଲିବିସଝବାନ୍ ତିଲେଝଏ ରେମୁଆଁ ମେଝନେ
ତିବଏ ଆଡ଼ବାନ୍ ଶୁୁ

ସାସ୍ତର ବିତ୍ତେ ଲେଝକ୍ସେ ସାମୁଆଁକଂ

୧. ପାଉଲ୍‌ନେ ସାର୍ଲ । ୧:୧-୫
୨. ପାଉଲ୍‌ନେ ସିସେ ଜିବନ୍ ମେଁନେ ସିକ୍ୟା ବିଝନେ ଅଦିକାର୍
ନିୟମ୍‌ନେ କାମ୍‌ଇଁ ବିସୟରେ । ୧:୬-୨:୨୧
୩. ନିୟମ୍‌ନେ କାମ୍ ବାରି ଇସ୍ପର୍ସନେ ଲିବିସଝବାନ୍ ଉଦାର୍
ବିସୟରେ । ୩:୧-୪:୩୧
୪. ନିମାଣ୍ଡା କିସ୍ତିୟାନ୍ ତିଂଚେ ତୁଆ ତିକେଝ ନସା ଆଦେସ୍ । ୫:୧-
୬:୧୦
୫. ପାଉଲ୍‌ନେ ସାର୍ଲ ଆରି ଇସ୍ପର୍ସନେ ବାନ୍ ଜିବନ୍ ଆଝବଲ୍‌ନେ
ବିସୟରେ । ୬:୧୧-୧୮

ଗାଳାତିୟ ମଣ୍ଡଲିନିଆ ପ୍ରେରିଡ଼ ପାଉଲ୍‌ନେ ଉଲିଆ

^୧ ନେଂ ପାଉଲ୍ ମୁଇଁ ପ୍ରେରିଡ଼ ସିସ୍ ରେମୁଆଁନେ ବାନ୍ ଶୁୁ
କି ରେମୁଆଁକଂନେ ବିତ୍ତେବାନ୍ ଝା ଆବକେ ଶୁୁତାଗଲା ମାପୁରୁ
ଜିସୁ କିସ୍ତନେ ଆଡ଼ା ବାରି ଆଣ୍ଡିନେ ଆବା ଇସ୍ପର୍ ଆମେକେ
ଗୁଏକ୍ସେଣ୍ଡେଇଁ ଆଡ଼ା ଆତଡ଼ିଆକେ ମେଁ ବାନ୍ ।

^୨ ଆରି ନେଂ ଏଡେ ଲେକ୍ସେ ବୟାଁକଂ ସର୍ତେ ଗାଳାତିୟ
ମଣ୍ଡଲିକଂକେ ସାର୍ଲ ତିଂକେ ।

^୩ ନେନେ ଆବା ଇସ୍ପର୍ସ ବାରି ମାପୁରୁ ଜିସୁ କିସ୍ତବାନ୍ ଅନୁଗ୍ରଥ
ବାରି ସାନ୍ତି ଆପେକେ ବିଲେ ।

^୪ ମେଁ ନେଇଁନେ ଆବା ଇସ୍ପର୍ସ ଇକ୍‌ଚା ସୁଗୁଆ ଆକେନ୍ ପାପ୍
ନ୍ ଲେଝକ୍ସେ ଦର୍ଡନିବାନ୍ ଆନେକେ ଉଦାର୍ ତିଂନେ ନସା ନେନେ
ପାପ୍‌ନେସା ମେଁ ନିକେ ଜିବନ୍ ବିକେ ।

^୫ ଜୁଗ୍ ଜୁଗ୍ ମେଁନେ ମ୍ଲାଝ ତିଲେ । ଆମେନ୍ ।

ମୁଇଁ ମାତର୍ ନିମାଣ୍ଡାସାମୁଆଁ

^୬ କିସ୍ତନେ ଦୟାରେ ଜାଣ୍ଡେ ଆପେକେ ଝାକେ ମେଇଁନେ
ବାନ୍ ପେଇଁ ଜେ ଅଝକେନ୍ ଜିଆଝ ତେରେପେଡେ ତିଂଚେ ବିନ୍‌ନେ

ନିମାଣ୍ଡାସାମୁଆଁ ଆଡ଼ା ବଲ୍ ବାପେଡ଼ିଂକେ ଆକ୍‌ବାନ୍ ନେଂ ଇରିଆତୁଗ୍ ଡ଼ିଂଣ୍ଡିଂକେ ।

^୭ ସଡ଼ରେ ବିନ୍ ମେଃଡ଼ିଗ୍ ନିମାଣ୍ଡାସାମୁଆଁ ଶୁ । ମାତର ନେଙ୍ଗ୍ ଦେକ୍‌ରକମ୍ ବାସଂଣ୍ଡିଂକେ ଡାଗ୍ଲା ଉଡ଼ିରୁଆ କିସ୍‌ଟ ନିମାଣ୍ଡାସାମୁଆଁକେ ବିନ୍ ରୁପ୍ ବିରେ ଆପେକେ ଆଙ୍ଗ୍ ଆନ୍ତ୍ ଆଡ଼ିଂନେସା ଚେସ୍‌ଟା ଆଃଡ଼ିଂଡ଼ିଂକେ ।

^୮ ମାତର ଆଣ୍ଡିନେ ନିମାଣ୍ଡାସାମୁଆଁ ନେ ପେ ଅରିଆ ବାସଙ୍ଗ୍ ଡ଼ିଂନେବକେ ଜଦି ମେଁବାନ୍ ବିନ୍‌ନେ ମୁଇଂ ନିମାଣ୍ଡାସାମୁଆଁ ନେ ନିଜେ ଶୁଲ୍ଲା କିତଂ ଦୁଡ଼ ବାସଙ୍ଗ୍ ଡ଼ିଂଏ ତେଲା ମେଁ ନକେ ଲଃଚେ ଡ଼ଣ୍ଡିଂ ବାଲେଃ ।

^୯ ଡ଼ିରକମ୍ ନେ ଅଃସେ ବାସଂନେବଗେ ଦେଡ଼ସୁଗୁଆ ନେଂ ଆରି ମୁଇଂତର ବାସଂଣ୍ଡିଂକେ ଆଣ୍ଡିନେ ନିମାଣ୍ଡାସାମୁଆଁ ପେ ସା ପେଲେଗେ ମେଁବାନ୍ ବିନ୍ ମେଃଡ଼ିଗ୍ ନିମାଣ୍ଡାସାମୁଆଁ ଜଦି ବାସଙ୍ଗ୍ ଡ଼ିଂଏ ତେଲା ମେଁ ନକେ ଡ଼ଣ୍ଡିଂ ବାଲେଃ ।

^{୧୦} ଆକେନ୍ ଦ୍ରିଗ୍‌ଚେ ପେଇଂ ମେଃ ମନେ ଡ଼ିଂପେଡ଼ିଂକେ ଜେ, ନେଙ୍ଗ୍ ରେମୁଆଁଇଂନେ ସପଟ୍ ବାନ୍‌ସା ଚେସ୍‌ଟା ଡ଼ିଂଣ୍ଡିଂକେ ? ଶୁ ଅୁଃନା ଡ଼ିଗ୍ ଶୁ । ନେଙ୍ଗ୍ ଚାଏଁ ଶୁଙ୍ଗ୍‌କେ ଇସ୍‌ପରନେ ସପଟ୍ । ନେଙ୍ଗ୍ ମେଃନେ ରେମୁଆଁଇଂ ଡାଗ୍ଲା ଉଡ଼ା ଆଡ଼ିଂନେସା ଇକ୍‌ଟା ଡ଼ିଂଣ୍ଡିଂକେ ? ନେଙ୍ଗ୍ ଜଦି ଏଃଜାକ ରେମୁଆଁଇଂ ଡାଗ୍ଲା ଉଡ଼ା ଆଡ଼ିଂନେସା ଚେସ୍‌ଟା ମାଡ଼ିଂ ତେଲା ନେଙ୍ଗ୍ ଏକେ କିସ୍‌ଟନେ ସେବକ୍ ଡ଼ିଂନାଲେ ପାଡ଼ିଂ ଶୁ ।

ପାଉଲ୍ ଡ଼ିରକମ୍ ପ୍ରେରିଡ଼ ସିସ୍ ଡ଼ିଂକେ

^{୧୧} ଅ ବୟାଁ ବାରି ତନାଇଂ ଆପେକେ ବାସଙ୍ଗ୍‌ଚେ ବଣ୍ଡିଂକେ ନେଙ୍ଗ୍ ଆଣ୍ଡିନେ ନିମାଣ୍ଡାସାମୁଆଁ ମ୍ବାଲିରଏ ଆଡେନ୍ ରେମୁଆଁ ବାନ୍ ଆପାଙ୍ଗ୍‌କେ ଶୁ ।

^{୧୨} ନେଙ୍ଗ୍ ଆଣ୍ଡିନେ ରେମୁଆଁ ଆଡ଼ା ବାନ୍ ଆଡେନ୍ ନାବାକେ ଶୁ ହ୍ବା ଜାଣ୍ଡେ ଆନେଙ୍ଗ୍‌କେ ଆରାସିକେକେ ଶୁ । ନିଜେ ଜିସୁ କିସ୍‌ଟ ଆଡେନ୍ ନେଙ୍ଗ୍ ଅରିଆ ବାଲିର୍ ବକେ ।

^{୧୩} ✨ପେଇଂ ନିଂନେ ଅସେନେ ଜିବନ୍ ସାମୁଆଁରେ ଦ୍ରିଗ୍ ପେଲେକେ । ନେଙ୍ଗ୍ ଜିଉଦି ଦର୍ମ୍ ନ୍ଲେଗେ । ନେଙ୍ଗ୍ ପର୍‌ମେସର୍‌ନେ ମଣ୍ଡୁଲିକେ

ତାଡ଼ନା ବିଣ୍ଡିଂଗେ । ନେଙ୍ଗ୍ ମଣ୍ଡୁଲିଇଂକେ ଦଦ୍ୟା ଆଡ଼ିଂନେସା ଚେସ୍ତା ଡ଼ିଂଣ୍ଡିଂଗେ ।

୧୪ ✨ନେଙ୍ଗ୍ ଜିଉଦି ଦର୍ମ ପାଲନ୍ ଡ଼ିଂନ୍ନିଆ ନେଙ୍ଗ୍ନେ ବୟସ ସୁଗୁଆ ବିନ୍ନେ ଜିଉଦିଇଂନେ ଆଡ଼ା ସିସେ କ୍ଲେଗେ । ବାଞ୍ଜିରନେ ନିୟମ୍‌ଇଂ ପାଲେନ୍‌ସା ନେଙ୍ଗ୍ ଜାବର୍ କଷ୍ଟ ଡ଼ିଂଣ୍ଡିଂଗେ । ଆକେନ୍ ନିୟମ୍‌ଇଂନେ ନିୟମ୍ ନେନେ ଅସେନେ ରେମୁଆଁଇଂନେ ଆଃଡ଼ା ସେନ୍ନୁଗ୍ ଲେଃଗେ ।

୧୫ ✨ମାତର୍ ପର୍ମେସର୍ ନେଙ୍ଗ୍ନେ ଜନମ୍ ଅସେ ଆନେଙ୍ଗ୍ ଅନୁଗ୍ରଥ ଡ଼ିଂଚେ ସି ତୁଂଡବଗେ । ମେଁ ଆର୍ମେ ବଗେ ଜେ

୧୬ ନେଙ୍ଗ୍ ଅଣଜିଉଦିଇଂକେ ମେଃନେ ଉଂଡେ ଜିସୁ କିସ୍ତନେ ନିମାଣ୍ଡାସାମୁଆଁ ମ୍ବାସଙ୍ଗ୍ଏ । ପର୍ମେସର୍ ମେଃନେ ଉଂଡେ ସାମୁଆଁରେ ବାସଙ୍ଗ୍‌କେ ଉଡ଼ିବେଲା ପର୍ମେସର୍ ଆନେଙ୍ଗ୍‌କେ ଝାକେ ନେଙ୍ଗ୍ ଆଣ୍ଡିନେ ରେମୁଆଁ ଏଡେ ନାକୁଡ଼େକେ ବା ସାଇଜ୍ୟ ତୁଂଡ ନାବକେ ଶୁ ।

୧୭ ଦେକ୍‌ରକମ୍‌କି ନେଙ୍ଗ୍ ଅସେ ବାନ୍ ଜାଣ୍ଡେଇଂ ପ୍ରେରିଡ଼ ସିସ୍ ଡ଼ିଂଲେ ଆରଗେ । ମେଇଂ ଏଡେ କୁଡ଼େନ୍‌ସା ଯିରୁସାଲାମ୍ ଝେନାଲେଃଗେ । ଏଲେ ଡିଗ୍ ନେଙ୍ଗ୍ ଜିଆ ଜିଆ ଆରବ ଦେସ୍ ଝେକ୍ଲେଗେ ବାରି ଇଡ଼ିଂ ଦାମାସ୍କସ୍ ଅରିଆ ଆଆଣ୍ଡେକେ ।

୧୮ ✨କିମେନେ ଝିମୁଆଁ ଇଡ଼ିଂ ପିତର୍ ଏଡେ ସାଃଡ଼ିଂନେସା ଯିରୁଶାଲମ୍ ଉଞ୍ଜେକେ ବାରି ମେଁ ଏଡେ ମ୍ବାର୍ ସାନ୍ତା କ୍ଲେଗେ ।

୧୯ ମାପୁରୁନେ ବୟାଁ ଜାକୁବକେ ଆନ୍ତାର୍‌ଚେ ନେଙ୍ଗ୍ନେ ବିନ୍ ମେଃଡିଗ୍ ପ୍ରେରିଡ଼ ସିସ୍ ଏଡେ କୁଡ଼େଃ ନାଲେଗେ ଶୁ ।

୨୦ ନେଙ୍ଗ୍ ମେଁ ଗୁଆର୍ ଶ୍ରିଂକେ ଆଡେନ୍ ସଡ଼; ଇସ୍‌ପର୍ ମ୍ୟାଃ ଲେଃକେ ନେଙ୍ଗ୍ ତ ମିର୍ ବାଲିର୍ ନାଡ଼ିଂକେ ଶୁ !

୨୧ ଆକେନ୍ ଇଡ଼ିଂ ନେଙ୍ଗ୍ ସିରିଆ ଆରି ସିଲିଷୀଆନେ ଗୁଲେ ଜାଗାନ୍ନିଆ ଝେକ୍ଲେଗେ ।

୨୨ ଆଡେନ୍ ବେଲା ଜିଉଦାପ୍ରଦେଶ୍ ଲେକ୍ଲେ କିସ୍ତାନ୍ ମଣ୍ଡୁଲିନେ ବିସ୍‌ବାସିଇଂ ଆନେଙ୍ଗ୍‌କେ ମୁଇଂଜା ନିମାଣ୍ଡା ବାବ୍‌ରେ ମ୍ୟାଃ ଆଲେଆର୍‌କେ ଶୁ ।

✨ ୧:୧୪ ପ୍ରେରିଡ଼ ୨୨:୩। ✨ ୧:୧୫ ପ୍ରେରିଡ଼ ୯:୩-୬; ୨୨:୬-୧୦; ୨୬:୧୩-୧୮। ✨ ୧:୧୮ ପ୍ରେରିଡ଼ ୯:୨୬-୩୦।

୨୩ ନେଙ୍କ ବିସୟରେ ବିନ୍ ରେମୁଆଁଇଂ ଜା ବାଲିରବଗେ ମେଇଂ ମାତର ଅଃତେନ୍ ଆଃ ମ୍ୟାଃଲେଆରଗେ । ମେଇଂ ଦ୍ଵିଗ୍ ଲେଆରଗେ ଆଣ୍ଡିନେ ରେମୁଆଁ ଆନେକେ କସଟ ବିଃଡିଂଗେ ବାରି ମେସୁଆ ନେ ଦର୍ମକେ ଦଂସ ଆଡିଂନେସା ଚେସଟା ତିଂଆର୍ ତିଂଗେ ଏବେ ମେଁ ଆତେନ୍ ଦର୍ମକେ ବାସଙ୍ଗ ତିଂତିଂକେ ।

୨୪ ଏନ୍ସା ମେଇଂ ନେଙ୍ଗସା ଇସପରକେ ପ୍ରସଂଶା ତିଂତିଂଗେ ।

୨

ପାଉଲ୍ ଆରି ବିନ୍ ସିସଇଂ

୧ *ନେଙ୍ଗ ଗଅଁ ମୁଆଁ ଇଡିଂ ବାରମୁଇଂତର ଜିରୁସାଲାମ୍ ଉଁଖେକେ । ବାରି ବର୍ଣ୍ଣବା ଆରି ତିତସକେ ତିଗ୍ ଝା ତୁଂଖେମ୍ବକେ ।

୨ ଜିରୁସାଲାମ୍ ଝେନ୍ସା ଇସପର ଆନେଙ୍ଗକେ ବାସଙ୍ଗବଲା ନେଙ୍ଗ ଆଡ଼ଅରିଆ ଝେଣ୍ଡିଂଗେ । ବିସବାସି ରେମୁଆଁଇଂନେ ତାଗରା ଲେଃଝେ ରେମୁଆଁଇଂ ତାଗରା ନେଙ୍ଗ ଝେକେ । ଉଡିବେଲା ନେ ମୁଇଂ ତାଗରା ନେଲେଃଝେ ଆତେନ୍ବେଲା ଆମେଇଂକେ ନେଙ୍ଗ ବାସଙ୍ଗଣ୍ଡିଙ୍ଗକେ ନ୍ଵାଇର୍ ନ୍ଵାଦ୍ଵିଗ୍ବକେ । ନେଙ୍ଗ ବିଜାତି ରେମୁଆଁଇଂ ସିସେ ବାନ୍ ଆକେନ୍ ନ୍ଵାଲିର୍ ଆଦ୍ଵିଗ୍ବମ୍ବେ । ଆକ୍ବାନ୍ ନେଙ୍ଗ ରାଜି ଶ୍ଵିଙ୍ଗକେ ଜେ ନେଙ୍ଗ ମୁଡି କାମ୍ ସିସେ ବାନ୍ ତିଙ୍ଗ୍ ଆଡା ମ୍ବେ ବାରି ଏବେ ମେଁ ତିଙ୍ଗ୍ଶ୍ଵିଙ୍ଗକେ ତିରକମ୍ବକି ଆତେନ୍ ସାପା ସରାଃ ଆଡିଙ୍ଗ୍ । ଆତେନ୍ସା ନିଂ ଦିଆନ୍ ବିମ୍ବେ ।

୩ ତିତସ ନେଙ୍ଗ ଏତେ ଲେଃଝେ । ମେଁ ମୁଇଂ ଅଣଜିଉଦି ରେମୁଆଁ ଲେଃଝେ । ମାତର ଏନ୍ ରେମୁଆଁଇଂ ତିତସକେ ତିଗ୍ ପବିତ୍ର ଆଡିଂ ନ୍ୟାଃ ଜବରଜସ୍ତ୍ରି ଆଡିଂଆରକେ ଶ୍ଵୁ ।

୪ ଏଲେଡିଗ୍ ଉଡି ରେମୁଆଁ ଆମେକେ ପବିତ୍ର ଆଡିଙ୍ଗ୍ନେସା ଚାଏଁଆରଡିଂଗେ । ମେଇଂ ବିସବାସି ବୟାଁ ତାଗ୍ରେ ଜଟେଟେ ବୁଡି ତଙ୍ଗାରେ ରକମ୍ ମାନ୍ଦାନିଆ ମିସୁ ଲେଃଝେ । କିସଟ ଜିସୁ ଏତେ କୁଡେନ୍ସା ନେ ଆଣ୍ଡିନେ ମୁକ୍ତି ବା ନେଲେଃଝେ ଆମେକେ ତୁରନେ ମେଇଂନେ ଦରକାର ଲେଃଝେ । ଆନେକେ ବାରି ମୁଇଂତର ନିୟମ୍ବେ ଚାକର୍ ଆଡିଙ୍ଗ୍ନେସା ମେଇଂ ଚାଏଁ ଆର୍ ତିଙ୍ଗ୍ ।

☆ ୨:୧ ପ୍ରେରିଡ଼ ୧୧:୩୦; ୧୫:୨.

୫ ମାତର ପେ ଆଡ଼ଲା ମାପରୁ ସାମୁଆଁନେ ସଡ଼କେ ଆମ୍ବରେ
ବନ୍ଦିଆ ନେ ଆଡେନ୍ ନାଲେରେଇଂକେ ଇକୁଡ଼ା ତିଗ୍ ଟାନ୍ ବିନେବଗେ
।

୬ ମାତର ଜାଣ୍ଡେଇଂ ନେତା ତାଗ୍ରେ ମନେ ବାବେ ତିଙ୍ଗ୍ଆରଗେ,
ମେଇଂ ଜାଣ୍ଡେ ତିଗ୍ ତିଙ୍ଗ୍ଲେ ଆଡ଼ଅରିଆ ନେଙ୍ଗନେ ମେଁ ତିଗ୍ ଆଞ୍ଜେ
ଆଞ୍ଜିଗ୍ ଶ୍ଟୁ ମେଃଡାଗ୍ଲା ବାଏରେନେ ବେବଆର୍ କେଚେ ଇସ୍ପର
ଆଜାକେ ବିଚାର ଆଡ଼ିଙ୍ଗ୍ ଶ୍ଟୁ ଆଡେନ୍ ନେତାଇଂ ଆନେଙ୍ଗ୍ ମେଃଡିଗ୍
ମ୍ବୁକ୍ସେ ସାମୁଆଁ ବିଃ ଆବଗେ ।

୭ ମୁଇଂ ପାକା କେଲା ମେଇଙ୍ଗ୍ କିକେ ଲେଃଗେ ଜେ ଇସ୍ପର ତିଡି
ରକମ୍ ଜିଉଦି ରେମୁଆଁଇଂ ତାଗ୍ରା ମାପରୁ ସାମୁଆଁ ବାସଙ୍ଗ୍ ନସା
ପିତରକେ ଦାଇଡ଼ ବିବଗେ ଦେଡ଼ରକମ୍ ଅଣଜିଉଦି ରେମୁଆଁ ତାଗ୍ରା
ମାପରୁ ସାମୁଆଁ ବାସଙ୍ଗ୍ନେ ଦାଇଡ଼ ଆନେଙ୍ଗ୍ ବିବକେ

୮ ମେଃଡାଗ୍ଲା ପିତର ତିଡିରକମ୍ ଇସ୍ପରନେ ବପୁ ବାନ୍
ଜିଉଦିଇଂ ନସା ପ୍ରେରିଡ଼ ସିସ୍ ରକମ୍ ତିଙ୍ଗ୍ରେ ପାଙ୍ଗ୍ଲେଃ ଆରଗେ
ନେଙ୍ଗ୍ ତିଗ୍ ଟିକ୍ ଦେଡ଼ରକମ୍ ଇସ୍ପରନେ ବପୁ ଏଡେ ଅଣଜିଉଦି
ରେମୁଆଁଇଂ ଆଡ଼ଲା ପ୍ରେରିଡ଼ ସିସ୍ ରକମ୍ ତିଙ୍ଗ୍ରେ ପାଙ୍ଗ୍ ନ୍ଲେଃକେ ।

୯ ନେତା ରକମ୍ ବାବେତିଙ୍ଗ୍ଲେ ଜାକୁବ୍, ପିତର ଆରି ଜହନ୍
ବାଲିର୍ ବଗେ ଜେ ଇସ୍ପର ଆନେଙ୍ଗ୍ ଆକେନ୍ ନିମାଣ୍ଡା କାମ୍ନିଆ
ଦାଇଡ଼ ବିଃବକେ । ତେସା ମେଇଂ ଆନେଙ୍ଗ୍ ବାରି ବର୍ଣ୍ଣିବାକେ
କୁଡ଼େଚେ ସାରଦାରେ ଗ୍ରଅନ୍ ତିଙ୍ଗ୍ବଗେ । ବର୍ଣ୍ଣିବା ଆରି ନେଙ୍ଗ୍
ଅଣଜିଉଦି ରେମୁଆଁଇଂ ତାଗ୍ରା ବାରି ମେଇଂ ଜିଉଦିଇଂ ତାଗ୍ରା
କାମ୍ ତିଙ୍ଗ୍ଏ ତାଗ୍ରେ ନେ ମୁଇଂ ମନ୍ ତିଙ୍ଗ୍ନେଲେଃଗେ ।

୧୦ ମେଇଂ ଆଃ ଗୁଆରି ତିଙ୍ଗ୍ବଗେ ଜେ ନେ ମେଇଂ ଦଲ୍ଲିଆ
ଲେଃକ୍ସେ ଅବାବ୍ ଅନାଟନ୍ ରେମୁଆଁଇଂକେ ମନେ ନେବଏ । ଆଡେନ୍
ବିସୟ ଆଡ଼ାତ୍ରା ନେଙ୍ଗ୍ନେ ଇକ୍ଟା ଲେଃଗେ ।

ଆନ୍ତାୟଶ୍ଚାନ୍ତିଆ ପିତରକେ ପାଉଲ୍ କୁଡ଼େନେ

୧୧ ପିତର ଆଣ୍ଡିୟୋଖ ପାଙ୍ଗ୍ଲେଃ କେଲା ନେଙ୍ଗ୍ ରେମୁଆଁଇଂ
ତାଗ୍ରା ଆମେକେ ନୁଆଁ ମ୍ବୁଗେ ମେଃଡାଗ୍ଲା ମେଁ ସଡ଼ ବାବ୍ରେ ଦଦ୍ୟା
କାମ୍ ତିଙ୍ଗ୍ଡିଙ୍ଗେ ।

୧୨ ଜାକୁବ୍ ବାନ୍ ପ୍ରେରିତ୍ ଉଡ଼ିରୁଆ ରେମୁଆଁ ଆଡ଼ଅରିଆ ପାଙ୍ଗନେ ସେନୁଗ୍ ପିତର୍ ଅଣଜିଉଦି ବୟା ବାରି ତନାଇଁ ଏତେ ଉଗ୍ତଙ୍ଗ୍ ପେଡ଼ିଙ୍ଗ୍ରେ । ମାତର୍ ଆଡେନ୍ ରେମୁଆଁଇଁ ପାଙ୍ଗନେ ଇଡ଼ିଙ୍ଗ୍ ମେଁ ଆଡ଼ବା ରୁପ୍ ଡିଙ୍ଗ୍କେ । ମେଁଇଁ ଏତେ ମେଁ ବାରି ଚଙ୍ଗ୍ଉଗ୍କେ, ମେଃଡାଗ୍ଲା ଅଣଜିଉଦିଇଁ ପବିତ୍ର ଡିଙ୍ଗ୍ନେ ଦରକାର୍ ଡାଗ୍ତେ ଜାଣ୍ଟେଇଁ ବାସଙ୍ଗ୍ଡିଙ୍ଗ୍ରେ ମେଁ ଆମେଇଁକେ ରୁଟ୍ ଡିଙ୍ଗ୍ରେ ।

୧୩ ବିନ୍ ଜିଉଦିଇଁ ପିତର୍ ଏତେ କୁଡ଼େଚେ ବକୁଆ ରେମୁଆଁଇଁ ରକମ୍ ବାଃଲିରବାଃତା ଡିଙ୍ଗ୍ବଗେ, ଦେକ୍‌ରକମ୍ କି ବର୍ଣ୍ଣବା ଡିଗ୍ ମେଇଁନେ କୁଟ୍ ସାମୁଆଁନ୍ନିଆ ମାନେଃକେ ।

୧୪ ନେଙ୍ଗ୍ ଉଃଡ଼ିବେଲା କେକେ ଜେ ନିମାଣ୍ଡାସାମୁଆଁନେ ସଡ଼ ଇସାବ୍ରେ ମେଇଁ ଦରମ୍ ବେବଆର୍ ଆସୁଏ ଆଡ଼ିଙ୍ଗ୍ଆରକେ ଶୁ ନେଙ୍ଗ୍ ମେଇଁନେ ସାମନାରେ ପିତରକେ ବାସଙ୍ଗ୍ମ୍ରେ “ଜଦି ପେ ଜିଉଦି ଡିଙ୍ଗ୍ରେ ଅଣଜିଉଦି ରେମୁଆଁଇଁ ରକମ୍ ଜିବନ୍ କାଟେ ପେଡ଼ିଙ୍ଗ୍କେ ତେଲା ଜିଉଦି ରେମୁଆଁଇଁ ରକମ୍ ଜିବନ୍ କାଟେନ୍‌ସା ପେ ଅଣଜିଉଦି ରେମୁଆଁଇଁକେ ଡିଡ଼ିରକମ୍ ଜବର୍ଜସ୍ତି ଡିଙ୍ଗ୍ପେୟାଏ ?”

ବିସ୍‌ବାସ୍ ବାନ୍ ରକ୍ୟା

୧୫ ସଡ଼ରେ ନେ ଜନମ୍ ବାନ୍ ଜିଉଦି ରେମୁଆଁ ବାସଙ୍ଗ୍ନେ ଇସାବ୍ରେ “ପାପି ଅଣଜିଉଦି” ଶୁ ।

୧୬ ☆ଡେଲାଡିଗ୍ ନେ ମ୍ୟାଃନେଲେଃକେ ନିୟମ୍‌ନେ ଦାବି ପୁରନ୍ ଆଡ଼ିଙ୍ଗ୍ନେ ବାନ୍ ଶୁ ମାତର୍ ମୁଇଁ ଜିସୁ କିସ୍ ଡାଗ୍‌ରା ବିସ୍‌ବାସ୍ ଡିଙ୍ଗ୍ନେ ବାନ୍ ମୁଇଁଜା ଇସ୍‌ପର୍ ସାମନାରେ ଦରମ୍‌ଣ୍ଟେ ଡିଂଚେ ଲେଃଏ । ଇସ୍‌ପର୍ ସାର୍‌ମୁଆଃନ୍ନିଆ ଦାର୍‌ମିକ୍ ଆସୁଏନ୍‌ସା ନେ ବାରି ନିୟମ୍ ଆଡ଼ାଡ଼ା ଆସା ଆଡ଼ିଙ୍ଗ୍ରେ ଜିସୁ କିସ୍ ଡାଗ୍‌ରା ବିସ୍‌ବାସ୍ ଡିଙ୍ଗ୍ନେଡ଼ିଙ୍ଗ୍କେ, ମେଃ ଡାଗ୍‌ଲା ମୁଇଁ ନିୟମ୍ ପାଲେକ୍ଟେ ବାନ୍ ଜାଣ୍ଟେ ଇସ୍‌ପର୍ ସାର୍‌ମୁଆଃନ୍ନିଆ ଦାର୍‌ମିକ୍ ଆଡ଼ିଙ୍ଗ୍ଆର୍ ଶୁ ।

୧୭ ମାତର୍ କିସ୍ ଏତେ ମିସୁଚେ ଇସ୍‌ପର୍‌ନେ ସାର୍‌ମୁଆଃନ୍ନିଆ ଦାର୍‌ମିକ୍ ରେମୁଆଁ ଡିଙ୍ଗ୍ନେସା ଚେସ୍‌ଟା ଡିଙ୍ଗ୍‌କେଲା, ଜଦି ନେ

☆ ୨:୧୨ ରମିୟ ୩:୨୦; ରମିୟ ୩:୨୨.

ଡିଗ୍ ଅଣଜିଉଦି ରକମ୍ “ପାପି” ଡିଙ୍ଗରେ ପେଲେଃକେ, ଆଡେନ୍‌ସା
 ମେଃନେ କିସ୍‌ଟନେ ଦାଇ ? ଶୁଆକେନ୍ ଅଃନା ଶୁ ।

^{୧୮} ଡାଗ୍ଲା ମୁଡି ନିୟମ୍‌ନେ ବନ୍‌ନକେ ନେଙ୍ଗ୍ ଚିନା ଆଡିଙ୍ଗ୍‌ମୁକେ
 ମେଃନେ ବାର୍‌ମୁଇଁତର୍ ଆରେନ୍‌ସା ୱେଲା ନେଙ୍ଗ୍ ଦସି ଶ୍ରିଙ୍ଗ୍ ।

^{୧୯} ନିୟମ୍ ଆଡାଡା ନେଙ୍ଗ୍ ପୁରାପୁରି ବାବ୍‌ରେ ଗୁଏକ୍ଲେଃକେ
 ଆଡେନ୍ ନିୟମ୍ ଏଡେ ଆଃ ନେଙ୍ଗ୍ ଗୁଏ କ୍ଲେଃକେ । ମାତର୍ ନେଙ୍ଗ୍
 ଏବେ ଇସ୍‌ପର୍ ନ୍‌ସା ଜିବନ୍ ଡିଙ୍ଗ୍‌କ୍ଲେଃକେ । କିସ୍‌ଟ ଏଡେ ମେଃନେ
 କୁରୁସ୍ ଆଡାଡା ନେଙ୍ଗ୍ ଡିଗ୍ ଗୁଏ କ୍ଲେଃକେ ।

^{୨୦} ତେସା ଏବେ ସଡ୍‌ରେ ନେଙ୍ଗ୍ ଆରି ନ୍ନାମ୍‌କେ ଶୁ ନେଙ୍ଗ୍
 ଡାଗ୍ଲା କିସ୍‌ଟ ଆଃ ଜିବନ୍ । ନେଙ୍ଗ୍ ଏବେ ମୁଡି ବୁଆ ଡିକେଃ ଶ୍ରିଙ୍ଗ୍,
 ଆଡେନ୍ ମୁଇଁ ଇସ୍‌ପର୍‌ନେ ଡଙ୍ଗ୍‌ଡେ ଆଡାଡା ନେଙ୍ଗ୍ ବିସ୍‌ବାସ୍ ବାନ୍
 ସମ୍‌ବ୍ ଡିଙ୍ଗ୍‌ଲେଃକେ ଜାଣ୍ଟେ ଆନେଙ୍ଗ୍ ଆଲାଦ୍ ତିଂରେ ନେଙ୍ଗ୍ ଆଡ୍‌ଲା
 ମେଃନେ ଜିବନ୍ ବିବକେ ।

^{୨୧} ଆଡେନ୍‌ସା ଇସ୍‌ପର୍‌ନେ ଦୟାକେ ନେଙ୍ଗ୍ ଅଃନା ନାଲେ ବାସଙ୍ଗ୍
 ନ୍ନାୟା ଶୁ । ଡାଗ୍ଲା ମୁଇଁ ନିୟମ୍ ପାଲେନେବାନ୍ ଜଦି ମୁଇଁ
 ଇସ୍‌ପର୍‌ନେ ସାର୍‌ମୁଆଃନିଆ ଦାର୍‌ମିକ୍ ଡିଙ୍ଗ୍‌ୟାଏ ତେଲା କିସ୍‌ଟ
 ଗୁଏକ୍ଲେ ମୁଲ୍ୟ ଶୁ ଡାଗ୍‌ରେ ବାସଙ୍ଗ୍‌ନେ ପଡେଏ ।

୩

ନିୟମ୍ ଶୁକ୍ଳା ବିସ୍‌ବାସ୍

^୧ ଅ ଆଲାକୁ ଗାଳାତିୟନେ ରେମୁଆଁଇଁ ! ଜାଣ୍ଟେ ପେ ଆଡାଡା
 ଆକେନ୍ ମନ୍ତର୍ ବାଲିର୍ ବଗେ ? କୁରୁସ୍ ଆଡାଡା ଜିସୁ କିସ୍‌ଟନେ
 ଗୁଏକ୍ଲେ ଗର୍‌ନା ପୁରା ନିମାଣ୍ଟା ବାବ୍‌ରେ ପେ ଡାଗ୍‌ରା ବାସଙ୍ଗ୍ ବକେ

^୨ ମୁଇଁ ସାମୁଆଁ ଆନେଙ୍ଗ୍ ବାସଙ୍ଗ୍‌ପା ନିୟମ୍ ପାଲେନେ ବାନ୍ ପେ
 ପବିତ୍ର ଆମ୍‌କେ ବାପେଲେଃକେ ଲେଃ ନିମାଣ୍ଟାସାମୁଆଁ ଦ୍ରିଗ୍ ପେ
 ବିସ୍‌ବାସ୍ ଡିଙ୍ଗ୍‌କ୍ଲେ ବାନ୍ ?

^୩ ପେଇଁ ଅଃକେନ୍ ଆବୁଜେକ୍ଲେ ରେମୁଆଁ ରକମ୍ ତିଂପେଡିଙ୍ଗ୍‌କେ
 ? ମ୍ନାଃ ଆମ୍‌ନେ ବପୁରେ ପେ ମୁଡି ଜିବନ୍ ଆରାମ୍ ତିଂନେସା
 ୱେପେଡିଂକେ ନିଜର୍ ବପୁରେ ମେଃନେ ଆମେକେ ବାଗୁଏନେସା
 ଚାଏଁ ପେଡିଂକେ ?

୪ ଆତେନ୍‌ସା ଯେନି ସରତେ ବାବ୍‌ନା ମେଠନି ସରା ? ଆଡ଼ବା ମେଠନେ ମେଠତିଗ୍‌ ଗିଆନ୍‌ ଯେବାକେ ?

୫ ଯେ ମୁଇଁ ନିୟମନ୍‌ନିଆ ବିସବାସ୍‌ ତିଙ୍ଗ୍‌ପେତିଙ୍ଗ୍‌ଲା ମେଁନେ ଇସ୍‌ପର୍‌ ଆପେକେ ମେଠନେ ଆମ୍‌ ବିବକେ ବାରି ଯେ ବିଡ଼ରେ ଇରିଆଡୁଗ୍‌ କାମ୍‌ଇଁ ତିଆର୍‌ତିକେ, ଲେଠ, ଯେ ମାପରୁ ସାମୁଆଁ ଦ୍ଵିଗ୍‌ରେ ଆଡ଼ବା ବିସବାସ୍‌ ତିଙ୍ଗ୍‌ପେତିକେ ଡାଗ୍‌ରେ ?

୬ *ଅବ୍ରାହାମ୍‌ନେ ସାମୁଆଁ ମନେ ତିଙ୍ଗ୍‌ପା । ସାସ୍ତ୍ରନିଆ ଗୁଆର୍‌ବକେ “ମେଁ ଇସ୍‌ପର୍‌ ଡାଗ୍‌ରା ବିସବାସ୍‌ ତିଙ୍ଗ୍‌କେ ବାରି ମେଠନେ ବିସବାସ୍‌ ସା ଇସ୍‌ପର୍‌ ଆମେକେ ଦାର୍‌ମିକ୍‌ ଡାଗ୍‌ରେ ଗ୍ରଥନ୍‌ ତିଙ୍ଗ୍‌କେ ।”

୭ *ଜାଣ୍ଠେଇଁ ବିସବାସ୍‌ ତିଙ୍ଗ୍‌ଆର୍‌ଏ ମୁଇଁ ମେଇଁ ଆଠ ଅବ୍ରାହାମ୍‌ନେ ସଡ଼ ବସ୍‌କୁଲ୍‌ ଆକେନ୍‌ ଯେ ମ୍ୟାନେ ପଡ଼େଏ ।

୮ ସିସେ ବାନ୍‌ ଦରମ୍‌ ସାସ୍ତ୍ରନିଆ ଗୁଆର୍‌ ବକେ ଜେ ବିସବାସ୍‌ ବାନ୍‌ ଇସ୍‌ପର୍‌ ଅଶଜିଉଦି ରେମୁଆଁଇଁକେ ତିଗ୍‌ ଦାର୍‌ମିକ୍‌ ଡାଗ୍‌ରେ ସା ଆର୍‌ଏ । ଅବ୍ରାହାମ୍‌ ଡାଗ୍‌ରା ଆକେନ୍‌ ସାମୁଆଁ ପର୍‌ଡୁମ୍‌ ବାସଙ୍ଗ୍‌ ତିଲେଗେ । “ଯେବାନ୍‌ ଇସ୍‌ପର୍‌ ମଞ୍ଚପୁରନେ ସାପା ରେମୁଆଁଇଁକେ ଆସିର୍‌ବାଦ୍‌ ତିଙ୍ଗ୍‌ଏ ।”

୯ ଅବ୍ରାହାମ୍‌ ବିସବାସ୍‌ ତିଙ୍ଗ୍‌ରେ ଆସିର୍‌ବାଦ୍‌ ବାଲେଠଗେ; ତେସା ଜାଣ୍ଠେଇଁ ବିସବାସ୍‌ ତିଙ୍ଗ୍‌ଆର୍‌ଏ ମେଇଁ ସାପାରେ ମେଁ ରକମ୍‌ ଆସିର୍‌ବାଦ୍‌ ବାଆର୍‌ଏ ।

୧୦ ଜାଣ୍ଠେଇଁ ନିୟମ୍‌ ପାଲେନେ ଆଡ଼ାଡ଼ା ଆସା ବଆର୍‌ଏ ମେଇଁ ଅବିସାପ୍‌ନେ ବିଡ଼ରେ ଜିବନ୍‌ କାଟେଆର୍‌ଏ । ମେଠଡାଗ୍‌ଲା ଦର୍‌ମ୍‌ ସାସ୍ତ୍ରନ୍‌ନିଆ ଗୁଆର୍‌ ବକେ “ମସାନେ ନିୟମ୍‌ ବଇଅରିଆ ଜା ସାପା ଗୁଆର୍‌ ବକେ ଜଦି ଜାଣ୍ଠେତିଗ୍‌ ପୁରାପୁରି ବାବ୍‌ରେ ଆତେନ୍‌ ପାଲନ୍‌ ଆତିଆର୍‌ ଶୁ ଟୁମ୍‌ ଇସ୍‌ପର୍‌ନେ ଅବିସାପ୍‌ନେ ଉଙ୍ଗ୍‌ଡେ ତିଙ୍ଗ୍‌ଏ ।”

୧୧ ତେସା ଆକ୍‌ବା ନିମାଣ୍ଡା ବାବ୍‌ରେ ମ୍ୟାଠତିଙ୍ଗ୍‌ଏ ନିୟମ୍‌ ଏତେ ମେଠତିଗ୍‌ ରେମୁଆଁ ଇସ୍‌ପର୍‌ନେ ସାର୍‌ମୁଆଠନ୍‌ନିଆ ଦାର୍‌ମିକ୍‌ ତିଙ୍ଗ୍‌ଆୟା ଆର୍‌ ଶୁ ମେଁ ଡାଗ୍‌ଲା ଦର୍‌ମ୍‌ ସାସ୍ତ୍ରନିଆ ଗୁଆର୍‌

ବକେ “ବିସ୍‌ବାସ୍ ବାନ୍ ଇସ୍‌ପର୍ ତାଗ୍ରା ଦସି ଶୁଭାଗତେ ମନେ ବାବେତିଙ୍କ୍ରେ ରେମୁଆଁ ଆଃ ମାତର୍ ବୁଆଏ ।”

୧୨ ମାତର୍ ନିୟମ୍ ଏତେ ବିସ୍‌ବାସ୍‌ନେ ମେଃଡିଗ୍ ସମ୍ପର୍କ୍ ଶୁ । ରମିୟ୍ ସାସ୍‌ରନିଆ ଗୁଆର୍‌ବକେ “ମୁଡି ରେମୁଆଁ ନିୟମ୍ ନିତି ନିୟମ୍ ସାପା ପାଲନ୍ ତିଙ୍କ୍‌ଏ ମେଁ ବୁଆଏ ।”

୧୩ ମାତର୍ କିସ୍‌ଟ ନେ ଆଡ୍‌ଲା ଅବିସାପ୍ ବାଚେ ନିୟମ୍‌ନିଆ ଗୁଆର୍‌ବକେ ଅବିସାପ୍‌ବାନ୍ ଆନେକେ ଆମ୍ବ୍ ବକେ । ଦର୍ମ୍ ସାସ୍‌ରନିଆ ଗୁଆର୍‌ବକେ “ଜା ସ୍ଲା ତାଗ୍ରା ତେଗ୍‌ଗଃଚେ ଗୁଏଃଏ ମେଁ ଇସ୍‌ପର୍ ବାନ୍ ଅବିସାପ୍ ବାଏ !”

୧୪ ଇସ୍‌ପର୍ ଅବ୍ରାହାମ୍‌କେ ଆଣ୍ଟିନେ ଆସିର୍‌ବାଦ୍ ବିନ୍‌ସା ପାର୍‌ମାନ୍ ତିଙ୍କ୍‌ବଗେ ଅଣ୍ଟିଉଦିଇଁ ତିଗ୍ ତିରକମ୍ ଆତେନ୍ ବାୟା ଆର୍‌ଏ ଆତେନ୍‌ସା ଜିସ୍‌ କିସ୍‌ଟ ଆକେନ୍ କାମ୍ ତିଙ୍କ୍‌ବକେ । ତେସା ବିସ୍‌ବାସ୍ ଏତେ ନେ ତିଗ୍ ଇସ୍‌ପର୍ ବିବକ୍ରେ ସାମୁଆଁ ଇସାବ୍‌ରେ ପବିତ୍ର ଆମ୍ବା ବା ନେୟାଏ ।

ନିୟମ୍ ବାରି ପାର୍‌ମାନ୍

୧୫ ଅ ବୟାଁ ବାରି ତନାଇଁ ! ନେଙ୍ଗ୍ ମୁଇଁ ତାଆଁନେ ଉସ୍ତା ବଣ୍ଟିଙ୍କ୍‌କେ: ଉଡିବେଲା ମ୍ବାୟା ମେଃଡିଗ୍ ବିସ୍‌ୟରେ ମୁଇଁ ଉଲିଆନ୍ନିଆ ମ୍ନି ଗୁଆର୍ ଆର୍‌ଏ ଜା ଆତେନ୍ ଗୁଆର୍‌କେ ଉଲିଆକେ ସେଗାର ଆୟା ଆର୍ ଶୁଜି ଆଡ୍‌ଅରିଆ ମେଃଡିଗ୍ ସାଃଡିଙ୍କ୍ ଆୟା ଆର୍ ଶୁ ।

୧୬ ଅବ୍ରାହାମ୍ ବାରି ମେଁନେ କୁଟୁମ୍‌ଇଁ ତାଗ୍ରା ଇସ୍‌ପର୍ ମେଃଡିନେ ପାର୍‌ମାନ୍ ତିଙ୍କ୍‌ବଗେ । ମାତର୍ ଆକେନ୍ ସମ୍ପର୍କ୍‌ରେ “ପେନି କୁଲ୍ ବଂସଇଁ ଆଡ୍‌ଲା” ବା ଗୁଲେ ରେମୁଆଁ‌ଇଁନେ ଆଡ୍‌ଲା ତାଗ୍ରା ସାସ୍‌ରନିଆ ଗୁଆର୍ ଆବକେ ଶୁ । ମାତର୍ “ପେ କୁଲ୍ ଆଡ୍‌ଲା” ତାଗ୍ରା ଗୁଆର୍ ବକେ । ତେସା ଆତେନ୍ ସାସ୍‌ରନିଆ ଗୁଆର୍ ଲେଃକେ ମାତର୍ ମୁଇଁ ରେମୁଆଁ ବା କିସ୍‌ଟନେ ବାନ୍ ଆଃ ତିଙ୍କ୍‌ଏ ।

୧୭ ନେଙ୍ଗ୍ ବାସ୍‌ଜ୍‌ନେ ଅର୍ତ୍ତ ତିଙ୍କ୍‌ଡିଙ୍କ୍‌କେ ଇସ୍‌ପର୍ ଅବ୍ରାହାମ୍ ଏତେ ମୁଇଁ ନିୟମ୍ ଆରେ ବଗେ ବାରି ଆତେନ୍ ରକ୍ୟା ଆଡିଙ୍କ୍‌ନେସା ପାର୍‌ମାନ୍ ତିଙ୍କ୍‌ବଗେ । ମୁଡି ନିୟମ୍ ଅଁ ସ ତିରିସ୍ ମୁଆଁ ଇଡିଙ୍କ୍

ବିଷବଗେ, ଆକେନ୍ ଆଃ ଆତେନ୍ ନିୟମ୍‌କେ ଅଲ୍‌ଗା ଆଡ଼ିଙ୍ଗ୍‌ଚେ
ଇସପରନେ ପାରମାନ୍ ମନା ଡିଙ୍ଗ୍ ଆୟା ଶୁ ।

୧୮ ✨ ଇସପର ପାରମାନ୍ ଡିଙ୍ଗ୍‌ବକ୍‌କେ ଆସିର୍‌ବାଦ୍ ଜଦି ନିୟମ୍
ପାଲେନେ ଆଡ଼ାଡ଼ା ଆସା ଡିଙ୍ଗ୍‌ଡିଙ୍ଗ୍‌କେ ତେଲା ଆତେନ୍ ମେଁ
ପାରମାନ୍ ଡିଙ୍ଗ୍‌ବକ୍‌କେ ଚୁଚୁ ଡାଗ୍‌ଚେ ବାରି ବାସଙ୍ଗ୍ ଆୟାଆର୍ ଶୁ
। ତେସା ଇସପର ମୁଇଁ ମେଃନେ ଆଦେସ୍ ଇସାବ୍‌ରେ ଆତେନ୍
ଆସିର୍‌ବାଦ୍ ଅବ୍ରାହାମ୍‌କେ ବିଃକେ ।

୧୯ ତେଲା ନିୟମ୍ ମେଃସା ବିବଆରଗେ ? ରେମୁଆଁନେ ସତ୍‌ଶୁନେ
କାମ୍ ସାପା ଆକେ ବିନ୍‌ସା ମେଃନେ ଉଦେସ୍ ଲେଃକେ ବାରି
ଅବ୍ରାହାମ୍‌ନେ ମୁଡ଼ି କୁଲ୍‌ବିସ୍‌ଇଁକେ କେଚେ ଇସପର ଆତେନ୍
ପାରମାନ୍ ଡିଙ୍ଗ୍‌ବଗେ ଅଃତେନ୍ ରେମୁଆଁଇଁ ପାଙ୍ଗ୍ ଜାକ ନିୟମ୍‌ନେ
ଦରକାର ଲେଃଗେ । ମୁଇଁ ରେମୁଆଁନେ ବିତ୍ରେବାନ୍ କିତଂ
ଦୁଡ଼ଇଁନେବାନ୍ ନିୟମ୍ ପାଙ୍ଗ୍‌ଲେଃଗେ ।

୨୦ ମାତର୍ ସପତ୍ ଡିଙ୍ଗ୍‌ଚେ ମୁଇଁ ପାକା ସାପାରେ ମିସୁ
ଲେଃଆରଗେ । ମେଁ ଡିଙ୍ଗ୍‌ଡିଙ୍ଗ୍‌କେ ନିଜେ ଇସପର ।

ନିୟମ୍‌ନେ ଇକ୍‌ଗ

୨୧ ନିୟମ୍ ମେଃନେ ଇସପରନେ ପାରମାନ୍‌କେ ବିରଦ୍ ଡିଙ୍ଗ୍‌ଏ ?
ଶୁ ଅୁଃନା ଶୁ ! ମେଁ ଡାଗ୍‌ଲା ରେମୁଆଁକେ ଜିବନ୍ ବିଡିଙ୍ଗ୍‌କେ ରକମ୍ ଜଦି
ମୁଇଁ ନିୟମ୍ ପାଡିଙ୍ଗ୍ ତେଲା ଆତେନ୍ ପାଲେନେ ବାନ୍ ଆଃ ରେମୁଆଁ
ଇସପରନେ ସାରମୁଆଃନିଆ ଦସ୍ ଶୁ ଡାଗ୍‌ଚେ ପାବାବେଆର୍ ।

୨୨ ମାତର୍ ଦର୍ମସାସ୍ତ୍ରନ୍‌ନିଆ ଗୁଆର୍‌ବକେ, ସାପା ରେମୁଆଁ ଜାତି
ପାପ୍ ଡିଙ୍ଗ୍‌ନେ ପାକା ତେସା ଡିରକମ୍ ଜିସୁ କିସ୍‌ଟ ଡାଗ୍‌ରା
ବିସ୍‌ବାସ୍‌ନେ ଚୁଚୁ ରକମ୍ ପାରମାନ୍ ଡିଙ୍ଗ୍‌ବକ୍‌କେ ଆସିର୍‌ବାଦ୍ କିସ୍‌ଟ
ବିସ୍‌ବାସି ରେମୁଆଁଇଁ ବାଆରଏ ।

୨୩ ବିସ୍‌ବାସ୍‌ନେ ଜୁଗ୍ ପାଙ୍ଗ୍‌ନେ ସେନୁଗ୍ ବା ନ୍‌ ଜାକ ନିୟମ୍ ଆନେ
ସାପାରେକେ ଗାଗ୍‌ଚେ ବଗେ ।

୨୪ କିସ୍‌ଟ ପାଙ୍ଗ୍‌ନେ ଜାକ ନିୟମ୍ ଆନେକେ ଅଦିକାରରେ
ବଗେ; ମାତର୍ ତେନ୍‌ଇଡିଁ ମୁଇଁ ବିସ୍‌ବାସ୍ ଏତେ ନେ ଇସପର
ସାରମୁଆଃନିଆ ଦସ୍ ଶୁ ଡାଗ୍‌ଚେ ମନେ ବାବେ ଡିଙ୍ଗ୍‌ଏ ।

✨ ୩:୧୮ ରମିୟ ୪:୧୪.

୨୫ ଏବେ ବିସ୍‌ବାସ୍‌ନେ ଜୁଗ୍ ପାଙ୍‌ଲେଃକେ ନେ ବାରି ନିୟ୍‌ମ୍ ତାଗରା ନେଲେଃକେ ।

୨୬ ବିସ୍‌ବାସ୍ ଏତେ କିସ୍‌ଟ ଜିସୁ ଏତେ ମିସୁଚେ ପେ ସାପାରେ ଇସ୍‌ପରନେ ଗରିସିଆ ଡିଙ୍‌ପେଲେଃକେ ।

୨୭ ଦିକ୍ୟା ଏତେ ପେ କିସ୍‌ଟ ଏତେ ମୁଇଁ ଡିଙ୍‌ପେଲେଃକେ ବାରି ଏବେ ଜିସୁ କିସ୍‌ଟନେ ଜିବନ୍ ରକମ୍‌ନେ ପାଟାଈ ଖାଡ଼େଗ୍ ପେଲେଃକେ ।

୨୮ ତେସା ଜିଉଦି ବାରି ଅଣଜିଉଦି ଚାକର୍ ବାରି ସାକାର୍, ଈରେ ବାରି ସେଲାମ୍‌ସୁଃ ବିଡ଼ରେ ବାରି ମେଃଡିଗ୍ ଅଲ୍‌ଗା ଶୁ ୁ ପେ ସାପାରେ ଜିସୁ କିସ୍‌ଟ ଏତେ ମିସୁଚେ ମୁଇଁ ଡିଙ୍‌ପେଲେଃ ।

୨୯ ✱ଜଦି ପେ କିସ୍‌ଟନେ ପେ ତିଗ୍ ଅବ୍ରାହାମ୍‌ନେ କୁଲ୍‌ବିସ୍‌ଇଁ ବାରି ଇସ୍‌ପର୍ ମେଃନେ ସପଡ଼ ଡିଙ୍‌ବକେ ଆତେନ୍ ପେବାଏ ।

୪

୧ ସାମୁଆଁ ଇସାବ୍‌ରେ ବାସଙ୍‌ୟାଡିଙ୍‌ଏ, ଉଙ୍‌ଡେ ଆବାଡ଼େନେ ସାପା କଣ୍ଡା ଲିଜନେ ଅଦିକାରି ମାତରୁ ସାପା ବିସ୍‌ୟନେ ଅଦିକାର୍ ଡିଙ୍‌ଲା ତଗ୍ ତକ୍ରା ଲେଃନେ ଜାକ ମେଁ ଗତିରେ ରକମ୍ ଲେଃଏ ।

୨ ଗଡ଼େଅ ଅବସ୍ତାରେ ମେଁନେ ଆବାଡ଼େନେ ବୟସ୍ ପିଙ୍‌ଟା ଜାକ ବିନ୍‌ରେ ଜତନ୍ ତୁଙ୍‌ଡଆର୍‌ଏ ବାରି ସାପା ବିସ୍‌ୟରେ ଅଦିକାର୍ ଡିଙ୍‌ଏ ।

୩ ଟିକ୍ ଦେଡ଼ରକମ୍ ନେ ତିଗ୍ ଆମ୍‌ିକ୍ ବାବ୍‌ରେ ତକ୍ରା ଡିଙ୍‌ନେ ସେନୁଗ୍ ମଞ୍‌ପୁର୍ ଆଡ଼ାଡ଼ା ସାସନ୍ ଡିଙ୍‌ଡିଂକ୍ସେ ବପୁଇଁନେ ଚାକର୍ ନେଲେଃକେ ।

୪ ସାରାସାରି ଉଡ଼ିବେଲା ସମାନ୍ ବେଲା ପାଙ୍‌କେ ଇସ୍‌ପର୍ ମେଁନେ ନିଜର୍ ଉଙ୍‌ଡେକେ ବେକେ । ମୁଇଁ ସାଦାସିଦା ସେଲାମ୍‌ସୁଃ ସୁଲ୍‌ଏଃବାନ୍ ମେଁ ଶ୍ରିଆ କୁମାଚେ ଜିଉଦିୟ୍ ନିୟ୍‌ମ୍‌ନେ ଅଦିନ୍‌ରେ ବୁଆ ଡିକେଃକେ ।

୫ ✱ଡିରକମ୍ ମେଁ ଦରକାର୍ ଲେଃକ୍ସେ ତାବୁ ବିଚେ ଆତେନ୍ ନିୟ୍‌ମ୍‌ନେ ବନ୍ଦନ୍‌ବାନ୍ ବିନ୍‌ରେକେ ଆଃଡାରନ୍‌ସା ବାରି ଆମେଇଁକେ ଇସ୍‌ପରନେ ଉଙ୍‌ଡେ ଡିଙ୍‌ନେ ସୁଜଗ୍ ବିନେ ମେଁ ଜିବନ୍‌ନେ ଇକ୍‌ଟା ଲେଃକେ ।

୬ ଯେ ଜେ ଇସ୍ରାଏଲରେ ଉଦ୍ଧୃତ ଆକେନ୍ ପରମାନ୍ ତିଜ୍ଜନେସା ଇସ୍ରାଏଲ ମେଁନେ ଉଦ୍ଧୃତେନେ ପବିତ୍ର ଆମ୍ବାକେ ନେନେ ଗର୍ବେ ବେବକେ । ଆଡେନ୍ ପବିତ୍ର ଆମ୍ବା ଜବର୍ କିରତେ ବାସଜ୍ଡିଜ୍ଜକେ “ଆବା ! ଏ ନେଜ୍ଜନେ ଆବା !”

୭ ତେସା ଯେ ବାରି ଗତିରେ ଶୁଗଡେଇଂ ତିଜ୍ଜପେଲେଃକେ । ଯେଇଂ ମେଁନେ ଗଡେଇଂ ତିଜ୍ଜପେଲେଃଗସା ଇସ୍ରାଏଲ ମେଁନେ ଗଡେଇଂ ଆଡଲ୍ଲା ଜା କିରି ବକେ ଆଡେନ୍ ସାପା ଆପେକେ ବିଏ ।

ଗାଳାତିୟଇଂନେ ନସା ପାଉଲ୍ଲନେ ଚିନ୍ତା

୮ ସିସେ ଯେ ଇସ୍ରାଏଲକେ ମ୍ୟାଃ ଯେଲେଃଗେ ତେସା ଜାଣ୍ଡେ ସତ୍ତରେ ଇସ୍ରାଏଲ ଶୁଦ୍ଧେଡ୍ଡକମ୍ ମିର୍ ଦେବା ଦେବାଇଂ ଚାକର୍ ଯେଲେଃଗେ ।

୯ ମାତର୍ ଏବେ ଯେ ଇସ୍ରାଏଲକେ ମ୍ୟାଃ ଯେଲେଃକେ ବାରି ନେଜ୍ ମ୍ବାସଜ୍ଜଏ, ଏବେ ଇସ୍ରାଏଲ ଆପେକେ ମ୍ୟାଃଲେଃକେ । ତେଲ୍ଲା ଆକେନ୍ ତିରକମ୍ ତିଏ ଜେ ଯେ ବାରି ମୁଇଂତର୍ ଆଡେନ୍ ବପୁ ଶୁବ୍ନେ ଦୟା ଶୁବ୍ନେ ଦେବା ଦେବାଇଂନେ ଡାଗରା ଖେନ୍ସା ଇକ୍ଚା ତିଜ୍ଜପେଡିଜ୍ଜକେ ? ଯେ ମେଁସା ବାର୍ମୁଇଂତର୍ ମେଇଂନେ ଚାକର୍ ତିଜ୍ଜନେସା ଇକ୍ଚା ତିଜ୍ଜପେଡିଜ୍ଜକେ ?

୧୦ ଦୁକ୍ନେ ସାମୁଆଁ ଯେ ଉଡିକ୍ଲିଗ୍ ନିମାଣ୍ଡା ଦିନା ଆର୍କେ କିଗ୍ ବାରି ମୁଆଁ ଆଡାଡା ଜାବର୍ ଦିଆନ୍ ବିପେଡିଜ୍ଜକେ ।

୧୧ ନେଜ୍ ଯେ ଆଡଲ୍ଲା ଜାବର୍ ଚିନ୍ତା ତିଜ୍ଜଶ୍ଚିଜ୍ଜକେ । ଯେ ଆଡଲ୍ଲା ନେଜ୍ନେ ସାପା କାମ୍ ମେଃନେ ସରା ତିଜ୍ଜଲେଃକେ ?

୧୨ ବୟା ବାରି ତନାଇଂ ଆପେକେ ଗୁଆରେ ଶ୍ଚିଜ୍ଜକେ ନେଜ୍ ରକମ୍ ତିଜ୍ଜପା । ନେଜ୍ ଯେ ରକମ୍ ତିଜ୍ଜଲ୍ଲେଃକେ ବାରି ଯେ ନେଜ୍ ଆଡାଡା ମେଃଡିଗ୍ ଦଦ୍ୟା ବାଃଲିର୍ବାଃତା ଯେଡିଜ୍ଜକେ ।

୧୩ ନେଜ୍ ପର୍ତ୍ତୁମ୍ ତର୍ ମେଁସା ଯେ ଡାଗରା ମାପରୁ ସାମୁଆଁ ବାସଜ୍ମ୍ବେ ଆଡେନ୍ ମନେ ଲ୍ଲାଗ୍ପା । ଆଡେନ୍ବେଲ୍ଲା ନେଜ୍ ଆଃସି ଲ୍ଲେଃଗସା ଆକେନ୍ ତିଜ୍ଜମ୍ବେ ।

୧୪ ମାତର୍ ନେଜ୍ନେ ଗାଗ୍ଡେନେ ଅବସ୍ତା ଯେ ପାକାବାନ୍ ବିରକ୍ତ ତିଜ୍ଜଲେଲ୍ଲା ତିଗ୍ ଯେ ଆନେଜ୍କେ ଅମାନି ବା ନୁଆଁ ଯେବଗେ ଶୁଲ୍ଲା ଆନେଜ୍ ମୁଇଂ ଇସ୍ରାଏଲରେ ଦୁଡ୍ ରକମ୍ ଗ୍ରାମ୍ ତିଜ୍ଜପେବଗେ ।

କିସଟ ଜିସୁକେ ଯେ ତିଡିରକମ୍ ଗ୍ରଅନ୍ ତିଙ୍ଗପେବଗେ ଦେଡ଼ରକମ୍ ବାବ୍ରେ ଆନେଙ୍ଗ୍ ତିଗ୍ ଗ୍ରଅନ୍ ତିଙ୍ଗପେବଗେ ।

୧୫ ଯେ ଉଡ଼ି ସାରଦା ତିଙ୍ଗପେଲେୱେ ! ମାତର୍ ଏବେ ମେଁ ତିଙ୍ଗଲେୱେ ? ଯେ ବିସୟରେ ନେଙ୍ଗ୍ ଆକେନ୍ ସାମୁଆଁ ତାଟ୍ ବାବ୍ରେ ବାସଙ୍ଗ୍ ଯାଏ ଜେ ପେପାୟାଲା, ଯେ ନିଜେ ନିଜେନେ ନ୍ନୁଆଁ ତୱରେ ଆନେଙ୍ଗ୍ ପେପାବି ।

୧୬ ମାତର୍ ଏବେ ନେଙ୍ଗ୍ ସଡ଼ ବାସଙ୍ଗ୍ମୁଲା ମେୱେନେ ପେନେ ସଡ଼ ତିଙ୍ଗ୍ଲେୱେ ?

୧୭ ଆତେନ୍ ବିନ୍ ରେମୁଆଁଇଁ ପେନି ମଙ୍ଗଲ୍ ନ୍ସାୱ ଜାବର୍ ଇକ୍ତା ତାଗ୍ରେ ଆସୁଏମ୍ପାୱକେ । ମାତର୍ ଆଡ଼ବା ମେଇଁନେ ସଡ଼ ଉଦେସ୍ ଶୁ ମେଇଁନେ ମୁଇଁ ମାତର୍ ଇକ୍ତା ତିରକମ୍ ଯେ ନେଙ୍ଗ୍ ଆଡ଼ାତ୍ରା କେରେ ମେଇଁନେ ଆଡ଼ାତ୍ରା ମନ୍ଦ୍ୟାନ୍ ବିୱପା ।

୧୮ ସଡ଼ ଉଦେସ୍କେ ତୁଁତରେ ଇକ୍ତା ତିଙ୍ଗ୍ନେ ଅୱନା ଆଡ଼ିଙ୍ଗ୍ ଶୁ । ମୁଇଁ ନେଙ୍ଗ୍ ଯେ ଏଡେ ଲେୱେକେଲା ଶୁ ମାତର୍ କାଲାଆୱ ପେ ଆକ୍ଲେନେ ସଡ଼ ମ୍ପାୱନେ ଦରକାର୍ ।

୧୯ ଏ ନେଙ୍ଗ୍ନେ ଗଡ଼େଅ ଗଡ଼େଇଁ ଆପେକେ କିସଟ ସୁଗୁଆ ଆରେନ୍ସା ନେଙ୍ଗ୍ ବାର୍ମୁଇଁତର୍ ଶ୍ରିଆକୁମାନେ କେଲା କସଟ୍ ବା ନ୍ଲେୱେ ।

୨୦ ନେଙ୍ଗ୍ ଏବେ ଯେ ତାଗ୍ରା ନ୍ଲେୱେ ତାଗ୍ରେ ନେଙ୍ଗ୍ନେ ଇକ୍ତା ତେଲା ତିଙ୍ଗ୍ ଏ ତ ପେନି ସମ୍ପର୍କରେ ନେଙ୍ଗ୍ନେ ବିନ୍ ରକମ୍ନେ ଚିନ୍ତା ପାଡ଼ିଙ୍ଗ୍ । ସଡ଼ରେ ଯେ ଆଡ଼ଲା ନେଙ୍ଗ୍ ଜାବର୍ ଚିନ୍ତା ତିଙ୍ଗ୍ଶିଁକେ ।

ହାଗାନେ ବାରି ସାରାନେ ଉଦାଅରନ୍

୨୧ ଜାଣ୍ଡେଇଁ ନିୟମ୍କେ ସାତେ ଲେୱେନ୍ସା ଇକ୍ତା ତିଙ୍ଗ୍ଆରଡ଼ିକେ ନେଙ୍ଗ୍ ଆମେଇଁକେ ସାଲିଆକୁ ମ୍ପାୱକେ ନିୟମ୍ନିଆ ମେୱେନେ ଗୁଆର୍ ବକେ ଆତେନ୍ ଯେ ପେମ୍ପାୱକେ ?

୨୨ ଆଡ଼ ଅରିଆ ଗୁଆର୍ବକେ ଅବ୍ରାହାମ୍ନେ ମ୍ପାୟା ଉଙ୍ଗ୍ଡେ ଲେୱେନେ ମୁଇଁଜା ଚାକର୍ବଏୱେନେ ଉଙ୍ଗ୍ଡେ ବାରି ମୁଇଁଜା ମେଁ ସେଲାମ୍ପୁୱେନେ ଉଙ୍ଗ୍ଡେ ।

୨୩ ଚାକର୍ବଏୱେନେ ଉଙ୍ଗ୍ଡେ ସଅଜ୍ ବାବ୍ରେ ଜନମ୍ ତିଙ୍ଗ୍ଲେୱେ । ମାତର୍ ମେୱେନେ ବିଏ ତିଙ୍ଗ୍ଲେୱେ ସେଲାମ୍ପୁୱେନେ

ଉଦ୍ଧୃତେ ଇସ୍ପଦର ସପତ୍ ଡିଙ୍ଗବକ୍ସେ ଇସାବରେ ଜନମ୍ ଡିଙ୍ଗଲେଃରେ ।

୨୪ ଆକ୍ସେକେ ମୁଇଁ ଉଦାଅରନ୍ ରକମ୍ ସା ଡିଙ୍ଗଏ । ଆକେନ୍ ମ୍ୟାୟା ସେଲାମ୍ବୁଃ ମ୍ୟାକିଲିଗ୍ ନିୟମ୍ ରକମ୍ । ଜାନେ ଉଦ୍ଧୃତେ ଗତିରେ ରକମ୍ ଡିଗ୍ରେ ଜନମ୍ ଡିଙ୍ଗଲେଃରେ ଆଡେନ୍ ହାଗାରନେ ସିନାଇ କଣ୍ଡାବାନ୍ ପାଙ୍ଗଲେଃକ୍ସେ ନିୟମନେ ମୁଇଁ ଚିନା ରକମ୍ ।

୨୫ ଆରବ ଦେସନିଆ ଲେଃକ୍ସେ ମୁଇଁ ସିନୟ କଣ୍ଡା ରକମ୍ ହାଗାରନେ ଏବେ ଯିରୁସାଲାମ୍ ସହର୍ ରକମ୍ । ଆଗା ରକମ୍ ଯିରୁସାଲାମ୍ ବାରି ଆଡ୍‌ଅରିଆ ଲେଃଡିଙ୍ଗକ୍ସେ ଆଦିବାସି ରେମୁଆଁଇଁ ଏବେ ଚାକର ରକମ୍ କାମ୍ ତିଆରୁଡିକେ ।

୨୬ ମାତର କିତଂନେ ଯିରୁଶାଲାମ୍ ମେଲା ବାରି ଆଡେନ୍ ନେନେ ଇୟାଙ୍ଗ

୨୭ ଡାଗ୍ଲା ସାସ୍ତ୍ରନିଆ ଗୁଆର୍ ବକେ,

“ଅ ବାଞ୍ଜି ପେ ସାରଦା ଡିଙ୍ଗପା;

ଅଃନା ଡିଗ୍ ଶୁଆକୁମାନେ କସଟ ବାପେଲେଲା ଡିଗ୍ ସାରଦା ଡିଙ୍ଗପା ।

ଡାଗ୍ଲା ଆଶ୍ଟା ଏଡେ ଲେଡିଙ୍ଗକ୍ସେ ସେଲାବାନ୍ ମୁଇଁ ଚାଡ୍‌ରି,

ସେଲାମ୍ବୁଃରେ ଗଡେଇଁନେ ସଂକ୍ୟା ଜବର୍ ଡିଙ୍ଗଏ ।”

୨୮ ଅ ବୟାଁଇଁ ଇସାକ୍ ରକମ୍ ଏବେ ପେ ଇସ୍ପଦର ସପତ୍ ଡିଙ୍ଗବକ୍ସେ ଉଦ୍ଧୃତେଇଁ ।

୨୯ ମେଁସୁଆ ସଅଜ୍ ବାବରେ ଜନମ୍ ଡିଙ୍ଗଲେଃକ୍ସେ ଗଡେଅ ଇସ୍ପଦରେ ପବିତ୍ର ଆମ୍ବାବାନ୍ ଜନମ୍ ଡିଙ୍ଗଲେଃକ୍ସେ ଗଡେଅକେ କସଟ ବିବଗେ ।

୩୦ ମାତର ଆକେନ୍ ବିସୟରେ ସାସ୍ତ୍ର ମେଁ ବାସଙ୍ଗଡିଙ୍ଗକେ ? ଆଡ୍‌ଅରିଆ ଗୁଆର୍ବକେ “ଚାକରବଏଃ ଆରି ମେଃନେ ଉଦ୍ଧୃତେକେ ନୁଆଁବିପା ମେଃଡାଗ୍ଲା ବିଏ ଡିଙ୍ଗଲେଃକ୍ସେ ସେଲାମ୍ବୁଃରେ ଉଦ୍ଧୃତେ ଏଡେ ଚାକରବଏଃନେ ଉଦ୍ଧୃତେ ଆବାନେ ଲିଜ ବ୍ରୁକେ ଅଃନାଡିଗ୍ ବାଗ୍ ବା ଆୟା ଆର୍ ଶୁ”

୩୧ ତେସା ଏ ନେଙ୍ଗନେ ବୟାଁ ବାରି ତନାଇଁ ନେ ଚାକରବଏଃନେ ଉଦ୍ଧୃତେ ଶୁ ମାତର ବିଏ ଡିଙ୍ଗଲେଃକ୍ସେ ସେଲାମ୍ବୁଃରେ ଉଦ୍ଧୃତେ ।

୫

କିସ୍ତନ୍ନିଆ ରକ୍ୟା

^୧ ନେ ମେଲା ନେଲେଃକେ । କିସ୍ତ ଆନେକେ ମେଲା ଆଡ଼ିଙ୍ଗବକେ । ତେସା ପେ ସ୍ବାଦିନତାରେ ତାଟ୍ ଲାଲାପା । ବାରମ୍ବୁଇଂତର୍ ଗତିରେ ରକମ୍ ଲେଃନ୍ସା ନିଜେକେ ଜାଗା ଆବିଗ୍ପା ।

^୨ ନେଙ୍ଗ ପାଉଲ୍ ମେଁ ବାସଙ୍ଗ୍ ଶ୍ରିଙ୍ଗକେ ଦ୍ଵିଗ୍ପା; ପେ ଜଦି ପବିତ୍ର ନିୟମ୍ ପେପାଲେଏ ମେଃନେ ଅର୍ତ୍ତ ତିଙ୍ଗଏ ପେ ଆଡ଼ଲା କିସ୍ତନେ ମେଃଡିଗ୍ ଦରକାର୍ ଶ୍ଵୁ ।

^୩ ମୁଡ଼ି ରେମୁଆଁ ପବିତ୍ର ତିଙ୍ଗଏ ନେଙ୍ଗ ଆମେକେ ବାରି ମୁଇଂତର୍ ସତକ୍ ଆଡ଼ିଙ୍ଗବି ଶ୍ରିଙ୍ଗକେ ଜେ ମସାନେ ନିୟମ୍ ପୁରାପୁରି ବାବରେ ପାଲେନେ ମେଁନେ କାମ୍ ।

^୪ ପେ ବିଡ଼ରେବାନ୍ ଜାଣ୍ଡେଇଂ ନିୟମ୍ ପାଲେନେବାନ୍ ଇସ୍ପର୍ ସାରମୁଆଃନିଆ ଦସ୍ ଶ୍ଵୁ ତାଗ୍ତେ ବାବେନ୍ସା ଚେସ୍ତା ତିଂଆର୍ଡିଂକେ, ମେଇଂ ନିଜେ ନିଜେକେ କ୍ରିସ୍ତନେବାନ୍ ସୁଲ୍ ଆଡ଼ିଙ୍ଗବଆରକେ, ମେଇଂ ଇସ୍ପର୍ନେ ଦୟାବାନ୍ ସ୍ଵୁ ଝେଲେଃଆରକେ ।

^୫ ମାତର୍ ନେ ଆସା ବନେଡିଙ୍ଗ୍ ଜେ ଇସ୍ପର୍ ଆନେକେ ମେଁ ସାମ୍ନାରେ ଦସି ଶ୍ଵୁ ତାଗ୍ତେ ବାସଙ୍ଗ୍; ନେ ବିସ୍ବାସନେ ରୁଚୁ ରକମ୍ ନେ ବିଡ଼ରେ କାମ୍ ତିଙ୍ଗମ୍ପାଃକେ ମ୍ପାଃ ଆମ୍ନାରେ ବପୁ ଏତେ ଆକେନ୍ ତିଙ୍ଗଏ ତାଗ୍ତେ ଉର୍ତ୍ତେ ନେଲେଃକେ ।

^୬ ମେଃଡାଗ୍ଲା କିସ୍ତ ଜିସୁ ଏତେ ମିସୁଚେ ଜିବନ୍ କାଚେଲା ପବିତ୍ର ବାରି ଅପବିତ୍ରନେ ମେଃଡିଗ୍ ଅଲ୍ଗା ଆଲେ ଶ୍ଵୁ । ମୁଇଂ ମାତର୍ ଦରକାର୍ନେ ବିସ୍ୟ ତିଙ୍ଗଡିଙ୍ଗକେ ବିସ୍ବାସ୍ରେ ତାଟ୍ ଲେଃତେ ଆଲାଦ୍ରେ କର୍ତ୍ତବ୍ୟ ତିଙ୍ଗନେ ଦରକାର୍ ।

^୭ ପେ ବଲ୍ରେ ଅଲେଙ୍ଗ୍ ପେଡିଙ୍ଗ୍ରେ । ସଡ଼୍ ଗାଲିପାକା ଅଲେଙ୍ଗ୍ନେ ବେଲା ଜା ଆପେକେ ମନା ତିଙ୍ଗକେ ? ଆପେକେ ଦଦିଆ ଗାଲିପାକା ଝେନ୍ସା ମେଁ ତିରକମ୍ ବାସଙ୍ଗ୍କେ ?

^୮ ଆପେକେ ଝାବକ୍ସେ ଇସ୍ପର୍ନେ ଆଡା ବାନ୍ ଆକେନ୍ ଆଡ଼ିଙ୍ଗକେ ଶ୍ଵୁ ।

୯ ✧ ସାମୁଆଁରେ ଲେଖକେ; “ଲାଃମୁଆରକ୍ଲେ ମଇଦାକେ ଆପଙ୍ଗନେସା ଇକୁଡ଼ା ମାତର୍ ଖମୀର ଦରକାର୍ ପଡ଼େଏ ।”

୧୦ ଆତେନ୍ ମେଁ ଡିଙ୍ଗଲେ ଏ ଜାକ ପେ ଆଡ଼ାତ୍ରା ନେଙ୍ଗନେ ଆସା ଲେଖକେ । ଡାଗ୍ଲା ନେ ସାପାରେ ମାପରୁ ଏତେ ମିସୁ ନେଲେଖକେ ନେଙ୍ଗନେ ଡାଗ୍ ବିସ୍ବାସ୍ ଲେଖକେ ପେ ନେଙ୍ଗ୍ ଇସାବ୍ରେ ବିରଦ୍ ପେଡିଙ୍ଗ୍ ଶୁ ବାରି ମୁଡ଼ି ରେମୁଆଁ ଆପେକେ ବାୟା ଆଡିଙ୍ଗ୍ ବିଡିଙ୍ଗ୍ କେ ମେଁ ଜା ଡିଗ୍ ଡିଙ୍ଗଲେ ଆମେକେ ଇସ୍ପର୍ ସମାନ୍ ତଣ୍ଟୁ ବିଏ ।

୧୧ ମାତର୍ ଅ ବୟାଁ ବାରି ତନାଇଁ ନେଙ୍ଗ୍ ଜଦି ଏଃଜାକ ପବିତ୍ରରେ ଦରକାର୍ ପାକା ବାସଙ୍ଗମ୍ ଏ ତେଲା ନେଙ୍ଗ୍ ଏବେ ଡିଗ୍ ମେଃନ୍ସା ଗୁରନା ବାଣ୍ଟିକେ ? ଜଦି ନେଙ୍ଗ୍ ଆତେନ୍ ଡିଙ୍ଗ୍ ଶୁକେ ତେଲା ଆତେନ୍ ସାଙ୍ଗେ ସାଙ୍ଗେ କିସ୍ତନେ କୁରୁସ୍ ବିସୟରେ ବାସଙ୍ଗନେ ବାନ୍ ନେଙ୍ଗନେ ମେଃଡିଗ୍ ଅସ୍ବିଦା ଆଡିଙ୍ଗ୍ ପାଡିଙ୍ଗ୍ ।

୧୨ ନେଙ୍ଗ୍ ଚାଏ ଶୁଙ୍ଗକେ ଆକେନ୍ ସମ୍ପର୍କରେ ଜାଣେଇଁ ଆପେକେ ବାୟା ଆଡିଙ୍ଗ୍ ଆଡିଙ୍ଗ୍ କେ ମେଇଁ ଆରି ଇକୁଡ଼ା ସେନୁଗ୍ ଖେଲେ । ମାତର୍ ପବିତ୍ର ମାଡିଙ୍ଗ୍ ଚେ ପୁରାପୁରି ବାବ୍ରେ ନିଜେ ଯୌନାଙ୍ଗ୍ ଗ୍ଲାତଗଲେ ।

୧୩ ଅ ବୟାଁ ବାରି ତନାଇଁ ପେ ମୁକ୍ତି ଡିଙ୍ଗନେସା ପାଙ୍ଗପେଲେଖକେ । ମାତର୍ ସାବଦାନ୍ ମୁଇଁ ଗାଗ୍ଡେନେ ଲାଲ୍ସା ବେବଆର୍ ଡିଙ୍ଗନେସା ଆତେନ୍ ମୁକ୍ତି ଜେକ୍ତିକି ବାଆନା ରକମ୍ ବେବଆର୍ ଆଡିଙ୍ଗ୍ ପା । ଶୁଲ୍ଲା ଆଲାଦ୍ ଏତେ ଲେଖକେ ପେ ନିଜେ ନିଜେକେ ସେବା ଡିଙ୍ଗ୍ ପା ।

୧୪ ମେଁ ଡାଗ୍ଲା ମୁଇଁ ମାତର୍ ଆଦେସ୍ ସାପା ନିୟମ୍ନେ ସାମୁଆଁ ଆକ୍ ଅରିଆ ଲେଖକେ । “ପେ ଡାଗ୍ ରା ତୁଆଣ୍ଟେକେ ନିଜର୍ ଆମାକେ ଆଲାଦ୍ ପେଡିଙ୍ଗ୍ କେ ରକମ୍ ଆଲାଦ୍ ଡିଂପା ।”

୧୫ ମାତର୍ ଜଦି ପେ ପସୁ ରକମ୍ ବେବଆର୍ ଡିଙ୍ଗ୍ ଚେ ନିଜେ ନିଜେକେ କସ୍ତ ପେବିଏ ବାରି ନିଜେ ନିଜେନେ ଲସ୍ ପେରାଡିଙ୍ଗ୍ ଏ ତେଲା ତରକ୍ ଡିଙ୍ଗ୍ ପା ଶୁଲ୍ଲା ଡିଙ୍ଗ୍ ଏ ପେ ନିଜେ ନିଜେକେ ପୁରାପୁରି ବାବ୍ରେ ନସ୍ ଆଃଡିଙ୍ଗ୍ ପେବିଏ ।

ପବିତ୍ର ଆତ୍ମାବାନ୍ ବାଞ୍ଛାକରବାଞ୍ଚତା

୧୭ ନେଇଁ ବାସଇଁନେ ସାମୁଆଁ ତିଙ୍ଗତିଙ୍ଗକେ ପବିତ୍ର ଆତ୍ମା ପେନେ ଜିବନ୍ତକେ ଚାଲନ୍ ତିଂଲେ । ତେଲା ପେ ବାରି ରେମୁଆଁନେ ଇକଚାକେ ପୁରନ୍ ଆତିଂଙ୍ଗ ଶୁ ।

୧୭ ✨ରେମୁଆଁ ବେବଆର୍ ପବିତ୍ର ଆତ୍ମାନେ ଇକଚାନେ ବିରଦି । ଦେଡ଼ରକମ୍ ପବିତ୍ର ଆତ୍ମାନେ ଇକଚା ରେମୁଆଁନେ ବାଞ୍ଛାକରବାଞ୍ଚତାକେ ବିରଦି ତିଙ୍ଗ । ତେସା କିମେଇଂ ମାୟାନେ ବିରଦରେ । ତେସା ପେ ମେଁ ତିଙ୍ଗନେ ଇକଚା ତିଙ୍ଗପେତିଙ୍ଗ ଆତେନ୍ ତିଙ୍ଗପେୟା ଶୁ ।

୧୮ ଜଦି ପବିତ୍ର ଆତ୍ମା ଆପେକେ ବେବଆର୍ ତିଙ୍ଗ ତେଲା ପେ ଆରି ମସାନେ ନିୟମ୍ନିଆ ପେଲେଃକେ ।

୧୯ ନେନେ ପାପ୍ ଗୁନ୍ ଏତେ ତିଙ୍ଗତିଙ୍ଗକେ ପାପ୍ କାମ୍‌ଇଂନେ ବିସୟରେ ସାପାରେ ମ୍ୟାଃ ଲେଃଆର୍‌କେ । ଆତେନ୍‌ଇଂ ତିଙ୍ଗତିଙ୍ଗକେ; ଯୌନ ପାପ୍, ଅପବିତ୍ରତା,

୨୦ ମୁରତି ପୁଜା, ତିସାରି କାମ୍, ବିରଦ୍, ଆଜାର୍, ଇଂସା, ରିସା, ନିଜେନେ ନ୍ୟା ଚିନ୍ତା, ଦଲକେ ବାଗ୍ ଆଃତିଙ୍ଗନେ, ବାଞ୍ଛାକରବାଞ୍ଚତା,

୨୧ ଉଗ୍‌ସାରେ, ରଙ୍ଗରସ୍ୟା ବାରି ଦେଡ଼ରକମ୍ ବିନ୍‌ବିନ୍ ଦଦ୍ୟା କାମ୍‌ରେ ଚାଗ୍‌ଲାଶ୍ଟା ଲେଃମ୍ୟାଃଆର୍‌କେ । ନେଇଁ ସିସେ ରକମ୍ ଏବେ ତିଗ୍ ଆପେକେ ତରକ୍ ଆତିଙ୍ଗବିଶ୍ଟିଂକେ । ଜାଣ୍ଟେଇଂ ଦେକ୍‌ରକମ୍ କାମ୍ ତିଙ୍ଗଆର୍‌ଏ ମେଇଂ ଇସ୍‌ପର୍ ରାଜି ଆଞ୍ଜେଆର୍ ଶୁ ।

୨୨ ମାତର୍ ପବିତ୍ର ଆତ୍ମା ଆନେକେ ଆକେନ୍ ଆଣ୍ଟେଙ୍ଗ୍ ବିଏ; ଆଲାଦ୍, ସାରଦା, ସାନ୍ତି, ସାହାସ୍, ଲିବିସଃ, ସଡ଼ କାମ୍, ବିସ୍‌ବାସ୍ ବାବ୍‌ରେ,

୨୩ ଦରମ୍ ବାରି ଆତ୍ମାନ୍ନିଆ ଜିତେନେ । ଆକେନ୍ ବିସୟଇଂ ଟିକ୍ ଶୁ । ତାଗ୍‌ରେ ମେଃଡ଼ିଗ୍ ନିୟମ୍ ବାସଇଁଆୟା ଶୁ ।

୨୪ ଜାଣ୍ଟେଇଂ ଜିସ୍ କିସ୍‌ଟନେ ରେମୁଆଁଇଂ ମେଇଂ ସାପାରେ ଲାଲ୍‌ସା ବାରି କାମ୍ ତିଙ୍ଗନେ ରେମୁଆଁ ବେବଆର୍‌କେ କୁରୁସ୍ ଅରିଆ ବାଗ୍‌ଏ ବଆର୍‌କେ ।

୨୫ ପବିତ୍ର ଆତ୍ମା ଆନେକେ ଜିବନ୍ ବିବକେ ମେଁ ନେନେ ଜିବନ୍କେ
ଡିଗ୍ ବେବଆର୍ ଡିଙ୍ଗଲେ ।

୨୬ ତେସା ଗର୍ବ ଡିଙ୍ଗନେ ବାରି ବିନ୍ରେକେ ଗୁଜ୍‌ଗୁଜ୍ ଡିଙ୍ଗନେ ବାରି
ଆଜାକେ ଡିଗ୍ ଇଂସା ଡିଙ୍ଗନେ ନେନେ ବଲ୍ ଶୁ ।



ପେପେ ବିତ୍ରେ ଲେଖକ୍ ଲିଗିଙ୍ଗ୍ ସାମ୍ବାଲେପା

୧ ଅ ବୟାଁଇଂ ! ଜଦି ଜା ମେଁ ରକମ୍ ଡିଗ୍ ବାନ୍ ମିତ୍ କାମ୍‌ନିଆ ଦାରା
ପଡେଏ, ପେ ବିତ୍ରେରବାନ୍ ଜାଣ୍ଡେଇଂ ପବିତ୍ର ଆତ୍ମାନେ ବାନ୍ କାମ୍
ଡିଂଡିଂକେ ମେଇଂ ଆମେକେ ଆଦ୍ରିଗ୍‌ନେସା ଦରକାର୍ ମାତର୍ ପେ
ଆକେନ୍ କାମ୍ ଦରମ୍ ବାବ୍ରେ ଡିଙ୍ଗନେ ଦରକାର୍ । ବାରି ସାବଦାନ୍
ନିଜେ ଜେଡ୍‌କି ଦେଡ୍‌ରକମ୍ କାମ୍ ଡିଙ୍ଗନେସା ପେଖେ ।

୨ ନିଜର୍ ନିଜର୍‌ନେ ଲିଗିଙ୍ଗ୍ ତୁଙ୍ଗନେସା ସାଇଜ୍ୟ ଡିଙ୍ଗପା ।
ଆକେନ୍ ଡିଙ୍ଗକ୍‌ବାନ୍ ପେ କିସ୍‌ଟନେ ଆଦେସ୍ ପେପାଲେଏ ।

୩ ତାଆଁ ଡିଙ୍ଗଟେ ଜା ନିଜେନେ ମ୍ଲା ଡାଗ୍‌ଟେ ବାବେଏ ତେଲା ମେଁ
ନିଜେକେ ଜଟେ ଡିଙ୍ଗକେ ।

୪ ମୁଇଂ ରେମୁଆଁ ନିଜେକେ ବିନ୍ରେ ଏତେ ତୁଲନା ଡିଙ୍ଗନେ ବଲ୍
ଶୁ । ମାତର୍ ସାପା ରେମୁଆଁ ନିଜେନେ କାମ୍ ଆଣ୍ଡେଙ୍ଗ୍ ପରିକ୍ୟା
ଡିଙ୍ଗନେ ଦରକାର୍ । ତେଲା ମେଁ ନିଜେନେ କାମ୍ ସା ଗର୍ବ ଡିଙ୍ଗୟାଏ
।

୫ ମେଃଡାଗ୍‌ଲା ସାପାରେକେ ନିଜର୍ ନିଜର୍‌ନେ ଲିଗିଙ୍ଗ୍
ତୁତୁଙ୍ଗନେସା ପଡେ ।

୬ ମାପରୁନେ ନିମାଣ୍ଡାସାମୁଆଁକେ ପଡେନେ ବେଲା ସିକ୍ୟା
ବିଡିଙ୍ଗକ୍ ଗୁରୁକେ ନିଜେ ବେବଆର୍ ଡିଙ୍ଗମ୍ୟାକ୍ ସାପା ବଲ୍
ବିସୟରେ ଆମିସୁନ୍‌ସା ଦରକାର୍ ।

୭ ନିଜେକେ ଆଜଟେଗ୍‌ପା । ଇସ୍‌ପର୍ କିକେ ପେ ଜଟେ ପେୟା ଶୁ
। ମୁଇଂ ରେମୁଆଁ ଡିଡିରକମ୍ ବିଗ୍‌ଏ ଦେଡ୍‌ରକମ୍ ଗୁଆଃଏ ।

୮ ଜା ନିଜେନେ ଗାଗ୍‌ଡେ ନ୍‌ସା ଲିଜନ୍‌ନିଆ ମୁଞ୍ଜି ବିଗ୍‌ଏ ମେଁ ଗୁଏନେ
ରକମ୍ କିଆ ଖେଏ । ଜଦି ଜା ପବିତ୍ର ଆତ୍ମାନେ ଲିଜନ୍‌ନିଆ ମୁଞ୍ଜି ବିଗ୍‌ଏ
ତେଲା ମାତାନେ ଜିବନ୍ ରକମ୍‌ନେ କିଆ ଖେଏ ।

୯ ତେସା ସତ୍‌କାମ୍ ତିଙ୍ଗନେସା ନେ ଅଲ୍‌ସୁଆ ନେଃଡିଂଗେପା ।
 ମେଃଡାଗଲ୍ଲା ଆଡ଼ବା ଆଡ଼ାରଲ୍ଲା ଟିକ୍ ବେଲ୍ଲା ନେ କିଆ ଝେଃ ତିଙ୍ଗ୍‌ଏ
 ।

୧୦ ତେସା ଉଡ଼ିତର୍ ସୁଜର୍ ବାପେଡିଙ୍ଗକେ କାଲାଆଃ ସାପାରେ
 ନ୍‌ସା ବିନ୍ ବାବ୍‌ରେ ଜାଣ୍ଟେଇଁ ନେ ବିସ୍‌ବାସ୍‌ନିଆ କୁଡ଼େଲେଆରକେ
 ଆମେଇଁକେ ମଙ୍ଗଲ୍ ତିଙ୍ଗନେ ନେନେ କାମ୍ ।

ସାରା ସାରି ତରକ୍ ହାଲିର୍ ବାରି ବାଃଲିର୍‌ବାଃତା

୧୧ କେଲାପା ଉଡ଼ି ମ୍ଲା ମ୍ଲା ଅକ୍ୟରରେ ନିଜେନେ ତ୍ରିରେ ନେଙ୍ଗ୍
 ଆପେକେ ଆକେନ୍ ଗୁଆର୍ ଶ୍ରିଙ୍ଗକେ ।

୧୨ ଜାଣ୍ଟେଇଁ ବାଏରେନେ ବିସ୍‌ୟରେ ଆକେ ମ୍ୟାଃକେ ବାରି
 ଆଲ୍ଲେଟେ ବାସଙ୍ଗ୍‌ମ୍ୟାଃକେ ମେଇଁ ଆଃ ଆପେକେ ପବିତ୍ର ତିଙ୍ଗନେସା
 ବାଦ୍ୟ ତିଙ୍ଗ୍‌ଆର୍ଡିଙ୍ଗକେ । କିସ୍‌ଟ ଜିସୁନେ କୁରୁସ୍ ଆଡ଼ଲା ଗୁର୍‌ନା
 ମାବାନେ ଉଦେସ୍‌ରେ ମେଇଁ ଆକେନ୍ ତିଙ୍ଗ୍‌ଆର୍ଡିଙ୍ଗକେ ।

୧୩ ଜାଣ୍ଟେଇଁ ପବିତ୍ର ନିୟମ୍ ପାଲେଆର୍ ତିଙ୍ଗକେ ମେଇଁ
 ତିଗ୍ ମସାନେ ନିୟମ୍ ପାପାଲେ ଆର୍ । ପେ ପବିତ୍ର ତିଙ୍ଗପା
 ତାଗ୍‌ଟେ ମେଇଁ ଚାଏଁଆର୍ଡିଙ୍ଗକେ । ଆକେନ୍ ଗାଗ୍‌ଡେନେ ନିୟମ୍
 ପାଲେନ୍‌ସା ଆପେକେ ବାସଙ୍ଗ୍‌ଲା ମେଇଁ ଗର୍ବ ତିଙ୍ଗ୍ ଆରଏ ।

୧୪ ମାତର୍ ନେଙ୍ଗ୍ ଆଃ ନେ ମାପ୍‌ରୁ ଜିସୁ କିସ୍‌ଟନେ କୁରୁସ୍
 ବିସ୍‌ୟରେ ଗର୍ବ ତିଙ୍ଗ୍‌ଶ୍ରିଙ୍ଗକେ; ମେଃଡାଗଲ୍ଲା ମେଃଡନେ କୁରୁସ୍ ସା
 ମଞ୍ଚପୁର୍ ନେଙ୍ଗ୍ ସା ଗୁଏକେ ବାରି ନେଙ୍ଗ୍ ମଞ୍ଚପୁର୍ ସା କୁଏକେ ।

୧୫ ଜାଣ୍ଟେ ପବିତ୍ର ଜାଣ୍ଟେ ଅପବିତ୍ର ଆଡ଼ଅରିଆ ମେଃଡତିଗ୍ ଝେ
 ଝିଗ୍‌ନେ ଶ୍ରିଙ୍ଗ୍‌ମିନେ ସୁସ୍‌ଟି ଆଃ ଆରାମ୍ ବିସ୍‌ୟ ।

୧୬ ଜାଣ୍ଟେଇଁ ନିଜେନେ ଜିବନ୍‌ରେ ଆକେନ୍ ନିତିନିୟମ୍
 ପାଲେଡିଙ୍ଗକେ ମେଇଁ ସାପାରେ ବାରି ଇସ୍‌ପରନେ ଇସ୍‌ସାଏଲ୍
 ରେମ୍‌ଆଁଇଁ ସାପାରେ ଜିବନ୍‌ରେ ସାନ୍‌ତି ବାରି ଦୟା ବାଆରଏ ।

୧୭ ସାରାସାରିକେଲା ନେଙ୍ଗ୍ ଅଃକେନ୍ ମ୍ଲାସଙ୍ଗ୍‌ଏ ଆନେଙ୍ଗ୍ ଜା ଆରି
 ଦୁକ୍ ଆବିଲେ । ମେଃଡାଗଲ୍ଲା ନେଙ୍ଗ୍ ଗାଗ୍‌ଡେଅରିଆ ଆଣ୍ଟିନେ ସାପା
 ତିନା ଲେଃକେ ଆଡ଼ବା ଆଃସୁଏଡିଂକେ ଜେ ନେଙ୍ଗ୍ ଜିସୁନେ ଗୁଡିରେ
 ।

୧୮ ଅ ବୟ୍‌ଇଁ ! ନେନେ ମାପ୍‌ରୁ ଜିସୁ କିସ୍‌ଟନେ ଦୟା ପେ
 ସାପାରେ ଆମ୍‌ନିଆ ଲେଃଲେ । ଆମେନ୍ !

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c